

四庫全書

史部

# 欽定四庫全書

史部

御批資治通鑑綱目卷二十七

詳校官修撰臣錢榮

編修臣程嘉謨覆勘

總校官降調編修臣倉聖脉

校對官編修臣沈清藻

謄錄監生臣許思光

欽定四庫全書

御批資治通鑑綱目卷二十七

起丙子宋明帝泰始二年魏獻文帝天安元年  
盡癸亥齊武帝永明元年魏孝文帝泰和七年  
凡十

八年

丙宋泰始二年魏顯祖  
午獻文帝弘天安元年  
春正月宋遣建安王休仁討江

州晉安王子勛遂稱帝二徐司豫青冀湘梁益州皆  
應之

宋中外戒嚴以建安王休仁都督征討諸軍事江州  
刺史王玄謨副之以沈攸之為尋陽太守將兵屯虎

檻玄謨前鋒十軍繼至每夜各立姓號不相稟受攸之謂諸將曰今衆軍姓號不同若有耕夫漁父夜相呵叱便致駭亂取敗之道也請就一軍取號衆咸從之鄧琬詐稱受詔太后璽書帥將佐上尊號於子勛子勛遂即位改元義嘉以琬及袁顗為僕射張悅為尚書徐州刺史薛安都冀州刺史崔道固青州刺史沈文秀義陽內史龐孟蚪吳郡太守顧琛吳興太守王曇首義興太守劉延熙晉陵太守袁標皆舉兵應之宋主以庾業代延熙業至反與之合使孔瑯慰勞會稽瑯至反說使附尋陽孟州刺史蕭惠開亦謂將佐曰湘東大祖之昭晉安世祖之穆且於當壁並無不可但景和末世祖之嗣不任社稷其次猶多吾荷世祖之養當奉九江乃遣巴郡太守費昶壽將五千人東下於是湘州行事何遜文廣州刺史袁曇遠梁州刺史柳元怙山陽太守程天祚皆附於子勛四方貢計皆歸尋陽朝廷所保唯丹陽淮南數郡而東兵

又已至永世宮省危懼宋主謀於羣臣蔡興宗曰今  
普天同叛人有異志宜鎮之以靜至信待人叛者親  
戚布在宮省若繩之以法則土崩立至宜明罪不相  
及之義物情既定人有戰心六軍指擄器甲犀利以  
待不習之兵其勢相萬矣願陛下勿憂建武司馬劉  
順說豫州刺史殷琰使應尋陽琰初以家在建康未  
許後不得已而從之宋主復謂興宗曰諸處未平殷  
琰已復同逆為之奈何興宗曰逆之與順臣無以辨  
然今商旅斷絕而米甚豐賤四方雲合而人情更安  
以此卜之清蕩可必但臣之所憂更在事後猶羊公  
之言耳宋主知琰附尋陽非本意乃厚撫其家以招  
之使垣榮祖說薛安都安都曰我不欲負孝武榮祖  
曰孝武之行足致餘殃今雖天下雷同**集覽**當壁左  
正連死耳安都不從因留榮祖使為將**集覽**當壁左  
三年楚共王無冢適有寵子五人無適立焉乃大有  
事于羣望請神擇於五人者乃徧以璧見於羣望曰

當壁而拜者神所立也乃密埋壁於大室之庭使五人齊而長入拜康王跨之靈王肘加焉子干子皙皆遠之平王弱抱而入再拜皆厭紐景和宋主子業年號也以年號謂子業當奉九江晉安王子勛先為江州刺史故稱九江猶羊公之言晉伐吳時羊祜寢疾晉武欲使祜卧護諸將祜曰取吳不必須臣自行但既平吳後當

**實實**

建安郡名注見晉武帝泰始五年

勞聖慮耳

江州注見漢武帝元鼎五年沈攸

之吳興武康人慶之從父兄子尋陽郡名注見晉明帝太寧二年一統志云虎檻洲名在太平府繁昌縣東五十里宋沈攸之王休仁屯軍于此以破孫沖之於赭圻又陳侯瑱進軍虎檻洲與齊王琳合戰亦此地徐州注見秦始皇二十八年彭城冀州注見漢元帝建昭二年青州注見漢桓帝永康元年義陽郡名注見梁武帝太清二年吳郡注見漢獻帝建安五年吳興地名古為防風氏之國春秋時屬吳後屬越戰

國時屬楚為菰城秦置烏程縣介於會稽鄞兩郡之間漢初屬荆國景帝時屬江都國元狩初為會稽丹陽二郡地東漢屬吳及丹陽郡三國吳始分置吳興郡治烏程縣兼置震州陳罷州仍為吳興郡隋初郡廢以其地屬蘇杭二州仁壽初置湖州取太湖為名大業初州廢復分屬吳餘杭二郡唐初於烏程置湖州大寶初改吳興郡乾元初復為湖州屬江南道乾寧初陞忠國軍節度五代吳越秦改宣德軍宋改昭慶軍又改州曰安吉屬浙西路元置湖州路至本朝改為湖州府隸浙江道王曇圭琅邪臨沂人義興郡名注見晉孝武帝太元十七年晉陵郡名注見隋煬帝大業十二年毘陵會稽郡名注見漢和帝永元元年益州注見晉武帝泰始八年湘東郡名注見文帝元嘉十六年衡陽晉安郡名注見漢成帝建元三年九江郡名注見晉明帝太寧二年尋陽巴郡注見周顯王六年湘州注見漢獻帝興平元年長沙廣州

注見秦始皇三十三年南海梁州注見周赧王四年  
漢中山陽郡名注見晉帝奕太和四年丹陽郡名注  
見漢獻帝興平二年金陵淮南郡名注見漢武帝元  
朔五年豫州注見齊主寶卷永元二年壽陽垣榮祖  
洛陽垣道人雷同事多曰  
雷同記曲禮上篇毋雷同

書法

尋陽前書舉兵矣此其書討何子業昏虐既  
已除矣社稷有奉而復尋干戈是爭也亂何  
時而已乎故稱帝前乎此未有書遂者此特書遂  
若曰舉兵於昏虐可也而遂稱帝不可也凡書遂  
遂辭也是故子勛稱帝書遂陳霸

先稱皇帝書遂唐武宗即位書遂

發明

子勛前書舉兵者子業無道故子勛不以反  
書也至諸州舉兵應之亦不書反何耶子勛

既世祖之子諸州苟欲奉而君之是亦不忘本朝  
之意爾然既不書反又胡為以討江州書之乎夫



國君不可無一亦不可有二湘東既繼大統則是社稷已有奉人民已有主矣子勛前日舉兵固曰迫於狂暴今既得其所託便當返旆還州告諭諸郡以國已有君之意如是則宗廟重安境內無虞豈不休哉不是之思遂乃正號稱尊則是志在爭帝非復前此避禍之意也綱目原情定罪直書曰討然後宋師可舉名義正矣故自此以下皆以臺軍別異而書之夫豈過哉

## 宋兗州刺史殷孝祖帥兵赴建康

宋主遣兗州刺史殷孝祖之甥葛僧韶說孝祖入朝孝祖委妻子於瑕丘帥文武二千入即日還建康時內外憂危咸欲奔散孝祖忽至所領皆舊楚壯士人情大安乃假孝祖節督前鋒遣向虎監初宋主遣畢衆敬詣兗州募人至是薛安都以衆敬行兗州事使殺孝祖諸子州境皆附之唯東平太守中慕據無鹽

不集覽

瑕丘漢地志山陽有瑕丘括地志云兗州瑕丘即任城樊縣無鹽注見秦二世三年

實

兗州注見漢獻帝興平二年一統志云瑕丘漢之縣名屬山陽郡東漢因之晉省入南平陽屬高平國

隋復置瑕丘縣為魯郡治唐為兗州治宋初改為瑕縣後改為滋陽縣取山為名宋金元俱因之至本朝為兗州府治所屬山東道東平郡名注見漢獻帝興平元年

書法

書赴建康何子從正也

# 宋分兵討豫州會稽

宋主親總兵出頓中堂以山陽王休祐為豫州刺史督劉劬呂安國等軍討殷琰巴陵王休若督沈懷明張永蕭道成等軍討孔顗時將士多東方人父兄子弟多已附顗宋主因送軍諭之曰朕方務德簡刑使

父子兄弟罪不相及卿等當深達此懷勿以親戚為慮也衆於是大悅凡叛人親黨在建康者居職如故

**質實**

劉勔彭城人殷琰陳郡長平人孝祖之子巴陵郡名注見文帝元嘉三年沈懷明吳興武康人

張永吳郡人裕之子孔  
頤山陰人琳之從孫

## 宋太后路氏殂

太后延宋主置酒進毒宋主知**質實**上壽注見漢武之即以其庖上壽是日太后殂帝元封元年

**書法**

於是太后延宋主進毒酒中帝知之因以上壽送殂宋主於孝武為異母弟太后則孝武

之母也其不書就何罪不在宋主也故從恒辭書殂

## 二月宋臺軍克義興

孔頸遣其將軍晉陵部陳甚威沈懷明等不敢進威  
勸巴陵王休若退保破岡休若宣令敢言逆者斬衆  
乃小定殿中御史吳喜請於宋主願得精兵三百致  
死於宋宋主簡羽林勇士配之議者以喜刀筆主者  
未嘗為將不可遣中書舍人巢尚之曰喜昔隨沈慶  
之屢經軍旅勇決習戰若能任之必有成績乃遣之  
喜性寬厚數使東吳人並懷之及聞其來皆望風降  
散至國山遇東軍擊破之斬其將進通義興劉延熙  
柵斷長橋保郡自守喜築圍與相持庾業於長塘築  
城與延熙相應會宋主復遣督護任農夫至業城未  
合攻破走之收其船仗向義興助喜

**集覽**

軍晉陵軍  
謂屯守也

晉陵即延陵季子之采邑漢改毘陵縣晉置郡後諱  
毘又改晉陵隋置常州治晉陵武進二縣義興注見  
晉孝武帝太元十七年長橋即垂虹橋也一名利注  
橋在蘇州吳江縣東西長千餘尺用木萬計前臨具

區橫絕松陵湖光海氣蕩漾一色乃三吳之絕景

正誤

長橋今按吳喜進義興太守劉延熙柵斷

長橋此長橋正在義興即周處斬蛟處今宜興縣即古義興避宋太宗舊諱而改

質實

一統志云

破岡清名在應天府句容縣東二十五里吳赤烏中發兵三萬鑿句容中道至雲陽西城以通吳會船艦

上下十四墩羽林軍名注見漢昭帝元鳳元年軍旅注見梁武帝中大通二年東吳注見晉安帝元興元

年三吳國山注見梁武帝天監八年長橋在常州府宜興縣治南後漢袁府君所造晉周處嘗斬蛟於此

元改名萬安橋長塘疑是地名未詳處所

# 魏丞相太原王乙渾謀反伏誅太后稱制

渾專權多殺侍中拓跋丕告其謀反馮太后收渾誅之遂臨朝稱制引中書令高允侍郎高閭將軍賈秀

共參質實太原郡名注見齊明帝建武三年并州高閭漁陽雍奴人

# 宋臺軍克晉陵吳興吳郡

沈懷明等與東軍相持久不決會宋主遣將軍江方興御史王道隆至晉陵東軍五城相連城猶未固道隆謂諸將曰此城未固可以藉手上副聖旨下成衆氣乃帥所領急攻拔之斬其將乘勝進擊東軍敗走遂克晉陵孔璪時屯吳興南亭與王曇首顧璪皆棄郡奔會稽宋主以四郡既平乃留吳喜使統諸將擊會稽召張永擊彭陽

**集覽** 吳興戰國楚為菰城秦置烏程縣屬會稽三國吳置吳興郡隋改為湖州

**質實** 一統志云南亭在湖州府治西宋改為安吉州

弟彭城郡名注見秦始皇二十八年

南下瞰茗溪孔璪山陰人顯從

宋以蔡興宗為僕射褚淵為吏部尚書○宋臺軍克會

稽

吳喜任農夫等引兵向會稽破其兵取西陵斬庾業  
上虞令王晏起兵攻郡孔顗出走車騎從事中郎張  
綏封府庫以待喜晏入城殺綏執尋陽王子房縱兵  
大掠獲孔瑯及顗殺瑯謂顗曰此事孔瑯所為無預  
卿事可作首辭當為申上顗曰江東處分莫不由身  
委罪求活便是君革行意耳乃並斬之顧瑯等詣喜  
歸罪喜皆宥之送子質實西陵渡名注見齊武帝永  
房建康貶松滋侯明六年上虞縣名注見晉  
安帝隆安四年建康郡名注見漢獻帝興平二年金  
陵一統志云松滋漢之縣名屬廬江郡後廢之晉太  
元初以其流民避兵至南郡高成縣地乃偽置松滋  
縣屬河東郡隋初廢郡以縣屬荊州唐初屬江陵府

宋金元俱仍舊至本  
朝因之改屬荊州府

三月宋臺軍敗于赭圻殷孝祖死沈攸之代將擊尋陽

# 軍大破之

鄧琬鄙閭賔各賣官鬻爵販賣欲博日夜不休羣小  
橫恣競為威福於是士民忿怨中外離心琬遣孫冲  
之帥薛常寶等萬人為前鋒據赭圻冲之啟子劬曰  
舟楫已辦器械亦整便欲泐流直取白下願速遣衆  
軍兼行相接子劬乃以陶亮統五州兵合二萬人俱  
下亮不敢進屯軍鵠洲殷孝祖負其誠節陵轢諸將  
臺軍有親屬在南者悉欲推治由是人情乖離沈攸  
之內撫將士外諧羣帥衆並賴之孝祖每戰常以鼓  
蓋自隨軍中相謂殷統軍可謂死將矣與賊交鋒而  
自標若此若以十人射之欲不斃得乎及攻赭圻孝



祖果中流矢而死人情震駭並謂攸之當代為統督時休仁遣江方興等赴赭圻攸之以為孝祖既死明日不攻則示之以弱方興名位相亞必不為已下軍政不一致敗之由也乃帥諸軍主諳方興曰事之濟否唯在明旦一戰不捷則大事去矣諸人或謂吾應為統自卜懦薄幹畧不如卿今輒相推但當相與戮力耳方興甚悅許諾諸軍主或尤攸之攸之曰吾本欲共濟艱難以安國活家豈計名位之升降而自惜同異哉明日方興帥諸軍進戰大破南軍拔胡白二城詔以攸之督前鋒陶亮大懼召沖之還鵠尼留薛常寶守赭圻時軍旅大起國用不足募民上錢穀補官有差軍中食少建安王休仁撫循將士均其豐儉弔死問傷身親隱恤故十萬之衆莫有離心鄧琬遣劉胡帥衆十餘萬屯鵠尼胡宿將勇健多權畧屢有戰功將士畏之參軍蔡那子弟在襄陽胡每戰懸之城外那進戰不顧吳喜亦率所領五千人並運資實

至于集覽赭圻史略釋文曰地名在姑孰自標標之

痛也恤慙也心質實赭圻城名注見晉袁帝興寧二

哀痛而憐慙之年白下城名注見泰始元年鵲

洲未詳處所胡白二城未詳處所唯鳳陽府潁州城

西北二里有胡城即春秋胡子國未知是否明者察

之一統志云鵲尾渚名在廬州府舒城縣治西北舊

有鵲亭按左傳楚伐吳吳人敗諸鵲岸杜預注舒縣

鵲尾渚是也襄陽縣名注

見漢獻帝建安十二年

### 書法

江左建國久矣未有書臺軍者書臺軍何別

外兵也於是子勛亦稱宋帝書宋則不知其

為誰也故曰臺軍敗臺軍者孫沖之也以自敗為

文何不以外兵加臺軍也然則南兵之破方興力

也曷為止書攸之攸之讓不為統然後方興感激

力戰則方興之功攸之之功也綱目歸功攸之其

為體國忘私  
之勸至矣

# 宋斷新錢專用古錢○夏四月宋臺軍拔赭圻

沈攸之帥諸軍圍赭圻薛常寶等糧盡告劉胡求救  
胡以囊米繫流查及船腹而覆之順風流下以餉常  
寶攸之疑有異遣人取之大得囊米胡入陸運餉之  
攸之邀擊胡被創走常寶惶懼走還攸之遂拔赭圻  
建安王休仁進屯之胡等兵猶盛宋主遣褚淵至虎  
檻選用將士時以軍功除官者衆叛不能供始用黃  
紙  
**集覽** 流查查與槎通  
**質實** 薛常寶河  
水上浮木也  
東汾陰人

## 五月宋臺軍圍壽陽

殷琰使劉順督諸將據宛唐而以皇甫道烈土豪柳  
倫臺使不受節度劉劬始至塹壘未立順欲擊之道

烈與倫不可順不能獨進乃止勦營既立不可復攻  
因相持守順等糧盡琰將杜叔寶載米餉之呂安國  
曰順精中八千而我衆不能居半所賴者彼糧行竭  
我食有餘耳若使米至難可復圖今可間道襲其米  
車出彼不意若能刺之將不戰而走矣勦以為然以  
疲弱守營簡精兵千人配安國使從間道抄之斬其  
前行五百人叔寶棄米走五月順衆潰走於是勦鼓  
行向壽陽與諸軍分營城外諸山宋主遣人齎詔宥  
琰罪琰與叔寶欲降而質實宛唐疑是地名未詳處  
衆心不一復嬰城固守所壽陽郡名注見齊主  
寶卷永  
元二年

秋七月宋以楊僧嗣為武都王

初武都王楊元和棄國奔魏其從弟僧嗣自立屯葭  
蘆費欣壽至巴東巴東人斬之阻守三峡蕭惠開復

遣兵出梁州僧嗣率岸氏斷其道間  
**集覽** 三峽盛弘  
之以聞宋主乃以僧嗣為武都王  
之荊州記

三峽七百里中兩岸連山略無闕處重巖疊障隱天  
蔽日自非亭午及夜分不見日月少陵詩註王洙曰

三峽瞿塘巫山黃牛也杜修可曰峽程記云三峽謂  
明月峽巫山峽廣澤峽其瞿塘滌瀨之類不繫三峽

**數質實**

武都郡名注見漢武帝元鼎六年葭蘆城名  
注見文帝元嘉二十年巴東郡名注見漢獻

帝建安十九年三峽水名注  
見漢昭烈帝章武二年巫峽

## 八月宋臺軍克江州殺子勛

鄧琬以軍久不決乃以子勛之命徵袁顗于襄陽以  
為都督顗性恇怯在軍中不戎服談義賦詩不撫諸  
將劉胡以南運未至就顗借米顗又不許由此大失  
人心與臺軍相拒於濃湖久之將軍張興世曰賊據

上流兵強地勝我雖持之有餘而制之不足若以奇兵數千潛出其上因險而壁見利而動使其首尾周遑糧運艱阻此制賊之奇也錢溪江岸最狹去大軍不遠下臨洄洑船必泊岸又有橫浦可以藏船千人守險萬人不能過衝要之地莫出於此沈攸之以為然乃選戰士七千輕舸二百配之興世沂流上而復下如是累日劉胡笑曰我尚不敢越彼下取揚州興世何物人欲輕據我上不為之備一夕四更風便興世舉帆直前過鵲尾胡乃遣兵追之興世潛遣其將黃道標帥七十舸徑趣錢溪立營寨明日引兵據之胡自將水步二十六軍來攻將士欲迎擊之興世曰賊來尚遠氣盛而矢驟驟易盡盛易衰不如待之我而胡米轉近船入洄洑興世命任農夫等帥壯士擊之衆軍繼進胡敗走建安王休仁以錢溪城未固命攸之等攻濃湖以分胡兵勢胡果欲更攻興世未至額遽追之城乃得立胡遣人傳唱錢溪已平衆懼攸

之曰若然萬人中應有一人得還此必彼戰失利唱  
空聲以惑衆耳勒軍中不得妄動提報尋至攸之以  
所獲耳鼻示濃湖顓大駭懼八月濃湖軍乏食鄧琬  
大送資糧畏興世不敢進胡欲復攻錢溪既而曰吾  
少習步戰未閑水關若步戰恒在數萬人中水戰在  
一舸之上舸舸各進不復相關正在三十人中此非  
萬全之計吾不為也乃託疾不進遣百舸攻興世興  
世擊破走之顓怒胡不戰謂曰糧運鯁塞當如此何  
胡乃遣兵步趣南陵載米三十萬斛錢布數十舸監  
榜為城規欲突過至貴口不敢進興世遣兵擊而虜  
之進逼胡營胡不能制遂遁去顓亦走休仁勒兵入  
其營納降卒十萬顓至鵠頭為人所殺鄧琬憂惶無  
計張悅稱疾呼琬計事令左右伏甲帳後以索酒為  
約琬至悅問計琬曰正當斬晉安王封府庫以謝罪  
耳悅曰今日寧可賣殿下以求活邪因呼酒伏發斬  
琬單舸齋首詣休仁降蔡那之子繫尋陽作郢脫鎖

入城囚子勛攸之詣軍至斬之傳首建康時年十一  
子業之世衣冠懼禍咸欲遠出至是流離外難百不  
一存衆乃服蔡興宗之先見休仁入尋陽遣吳喜等  
向荆郢雍湘豫章平餘寇劉胡逃至石城捕得斬之

集覽

恒桡恒怯桡弱也桡女教反舸加我反南楚江  
湖謂船曰舸舸浦妄反方舟也豎枋豎立也枋

本片也蔡興宗之先見興宗嘗曰正誤蔡興宗之先  
清蕩可必但臣所憂者更在事後見今按宋主

子業景和元年袁顗求出為雍州刺史時以其舅蔡  
興宗為荊州長史辭不行顗曰朝廷形勢人所共見  
在內大臣朝不保夕興宗曰宮省內外人不自保會  
應有變若內難得弭外累未必可量汝欲在外求全  
我欲居中免禍及子業被弑晉安王子勛舉兵尋陽  
明帝平之史云子業之世衣冠懼禍咸欲遠出至是  
流離外難百不一存衆乃服蔡興宗之先見史文質  
明白如此集覽不詳其意而草率引證故多類此質



實

濃湖未詳處所張興世竟陵人錢溪未詳處所洄

平二年金陵南陵縣名注見梁武帝太清三年貴口

即貴山之口在池州府銅陵縣東六十里鵲頭山名

注見文帝元嘉三十年荆郢雍湘四州名荆注見漢

獻帝建安十三年南郡郢注見漢後主建興七年武

昌雍注見漢獻帝建安十二年襄陽湘注見漢獻帝

興平二年長沙一統志云石城漢之縣名屬丹陽郡

晉屬宣城郡隋置秋浦縣屬宣州唐為池州治五代

時揚吳改貴池宋元仍舊本朝因之為池州府治所

仍屬焉

書法

江州書討矣其不書誅何子業子勛親也綱

目於是有權衡矣故舉兵應子勛者其討之

也皆不名必若安都珍

奇衆敬降魏而後名

# 九月魏立郡學

魏初立郡學置博士助教生員從高允之請也

# 冬十月宋主殺其兄之子安陸王子綏等十三人

宋主既誅子勛又殺安陸王子綏臨海王子項邵陵王子元建安王休仁言於上曰松滋侯兄弟尚在非社稷計宜早為之所於是子房等十人皆賜死世祖二十八子於此盡矣

**集覽** 松滋侯尋陽王先為王晏所執賊質實安陸郡名注見周世宗顯德三年為松滋侯邵陵國名注見晉武帝泰始十年

臨海郡名注見晉安帝元興元年

## 書法

於是鄭子綏荆子項會稽子房皆應子勛者也皆以兄之子書殺而斥宋主綱目權衡之

意微  
矣吁

發明

宋孝武不道淫亂縱欲無復人理故其諸子誅滅靡有孑遺蓋天醜其行云爾然自孝明

言之則亦過矣且吾之所以盡殺兄之子者蓋欲安吾之子孫也他日吾子孫效吾所為則所及者必吾之子孫矣始欲安吾之子孫而反至於殺吾之子孫其為計不亦左乎世變日下天理絕滅祚運之所以不長禍亂之所以迭出夫豈無自而然哉書殺其兄之子十三人其惡不待貶絕而自見矣

宋徐州刺史薛安都汝南太守常珍奇叛降于魏

宋徐州刺史薛安都益州刺史蕭惠開梁州柳元怙兖州畢衆敬豫章太守殷孚汝南太守常珍奇並遣

使乞降于建康宋主以南方已平欲示威淮北命張  
永沈攸之將兵五萬迎安都蔡興宗曰安都歸順不  
虛正須單使今以重兵迎之勢必疑懼安都外據大  
鎮密邇邊陲地險兵彊尤宜馴養如其外叛招引北  
寇將為朝廷肝食之憂宋主不從謂蕭道成曰吾今  
因此北討卿意以為何如對曰安都狡猾有餘以兵  
逼之非國之利亦不聽安都果懼而叛

**集覽**

縣瓠縣名也屬

常珍奇亦以懸瓠降魏皆請兵自救

汝南邵

**質實**

豫章郡名注見漢武帝元鼎五年梁州注見周報王四年漢中汝南郡名注見漢光

武建武十九年懸瓠縣名注見文帝元嘉二十七年

**書法**

徐州初應子勛綱目例不名之此其名之何叛降魏也應子勛可也挈土地以事讐則非

矣故皆書叛

# 宋立子昱為太子

宋主無子嘗以宮人陳氏賜嬖人李道兒已復迎還生昱又密取諸王姬有孕者內之宮中生男則殺其母而使寵姬母之

## 魏將軍尉元救彭城入懸瓠宋兗州刺史畢眾敬降魏師

魏遣將軍尉元孔伯恭等救彭城西河公石救懸瓠宋兗州刺史申纂守無鹽詐降於元元受而陰為之備及師至纂果閉門拒之畢眾敬以子為建康所誅亦降於魏元遣將先據其城遂長驅而進西河公石至上蔡常珍奇出迎石未即入城博士鄭義曰珍奇意未可量不如直入其城據有府庫制其腹心石遂

策馬入城因置酒嬉戲義曰觀珍奇色甚不平不可  
不備石乃嚴兵設備其夕珍奇使人燒府屋欲為變  
以石有備而止淮西七郡民多不願屬魏連營南并  
魏遣建安王陸馭宣慰民有臨軍為奴婢者馭悉免  
之郡民乃悅

集覽

陸馭姓名也

質實

尉元代人西河郡名注見周威烈王二十

三年無鹽縣名注見秦二世三年上蔡縣名注同上二年陸馭代人侯之子

書法

安都珍奇書叛此則曷為不書宋連之也殺其子矣能無懼乎書曰降魏師魏師適至而

後降之也與請救於魏者異矣是故安都珍奇書叛而衆敬不書叛安都珍奇書降于魏而衆敬書降魏師綱目有以亮其心矣

宋豫州平

劉劭園壽陽戰無不捷以寬厚得衆心尋陽既平宋主使中書為詔諭殷琰蔡興宗曰叛亂既定是琰思過之日宜賜手詔以慰引之今直中書為詔彼必疑之非所以速清方難也不從琰果疑劭之詐欲降於魏主簿夏侯詳曰今日之舉本效忠節若社稷有靈便當歸身朝廷何可北面左社乎且今魏軍近在淮次官軍未測吾之去就若遣使歸款必厚相慰納豈止免罪而已琰乃使詳出見劭曰城中士民畏將軍之誅皆欲自歸於魏願將軍緩而赦之則莫不相帥而至矣劭許諾琰乃出降劭悉加撫慰不戮一人約勒將士秋毫無犯壽陽人大悅楚

**集覽**

淮次淮水之濱也

**實**

**實**

壽陽郡名注見齊主實卷永元二年夏侯詳譙人社稷注見新莽天鳳元年左注注見漢靈帝中平

二年淮水注見漢後主延興二年義陽郡名注見梁武帝太清二年

# 宋益州平

蕭惠開在益州多任刑誅諸郡叛之合兵圍成都聞  
尋陽已平爭欲屠城宋主遣其弟惠基使成都赦惠  
開惠開乃降城圍亦解召還建康宋主問以舉  
兵狀對曰臣唯知逆順不識天命宋主釋之  
成都縣名注見漢  
帝玄更始二年

# 宋僑立兗徐青冀州

兗州治淮陰徐州治鍾離青冀治鬱洲在海中周  
數百里累石為城高八九尺虛置郡縣荒民無幾

質實

淮陰縣名注見漢獻帝建安元年鍾離縣名注  
見梁武帝天監六年青冀二州名注見秦二世

二年鄭鬱洲山名注見  
晉安帝隆安五年郁州



# 魏取彭城

宋張永沈攸之進兵逼彭城魏尉元至薛安都出迎元遣李璨與安都先入城收管籥別遣孔伯恭以精甲二千安撫內外然後入其夜張永攻之不克元不禮於安都安都悔降復謀叛尉元知之不果發乃重賂元等元使燦與安都守彭質實彭城郡名注見秦城自將擊張永絕其糧道始皇二十八年管

籥注見晉明帝太寧三年孔伯恭鄴人

丁未宋泰始三年春正月魏取宋淮北四州及豫州淮西

## 地

宋張永等棄城夜走會天大雪士卒凍死大半手足斷者什七八尉元邀其前薛安都乘其後大破永等

於呂梁之東死者以萬數枕屍六十餘里委棄資械不可勝計宋主名蔡興宗以敗書示之曰我愧卿甚永及攸之皆坐貶還屯淮陰宋由是失淮北四州及豫州淮西之地裴子野曰太宗之初威令所被不滿百里而能開誠布款以致平定既乃賈其餘勇師出無名而長淮以北倏忽為戎矣若以向之虛懷不矜不伐則二叛

**集覽**

呂梁山名在徐州南十六里河水自州北東與清水合流南經呂梁

入淮水呂梁嶺有亂石如虎牙激湍沸涌極為險惡莊子曰孔子觀於呂梁縣水三十仞流沫四十里鼃

鼃魚鰲之所不能遊也即此

**質實**

一統志云呂梁山名在徐州城南六十里下有二洪洪上有

雲夢梁王二城土人謂雲夢即韓信呂梁即彭越其洪有上下巨石齒列波流洶湧莊子所謂呂梁懸水三十仞流沫四十里是也豫州注見漢光武建武十九年汝南淮陰縣名注見漢獻帝建安元年

魏東平王道符反長安伏誅質實

東平郡名注見漢獻帝興平元年長安縣

名注見漢惠帝五年

### ○宋青冀州平

初尋陽既平宋主遣沈文秀弟文炳以詔書喻文秀又遣將軍劉懷珍將兵三千與之偕行進據朐城會文秀攻青州刺史明僧暲走之衆心先懼欲保郁州懷珍曰文秀欲以青州歸索虜計齊之士民安肯甘心左衽耶今揚兵直前宣布威德諸城可飛書而下柰何守此不進自為沮撓乎遂進送文炳入城文秀猶不降衆謂宜且堅壁伺隙懷珍曰今衆少糧竭懸軍深入正當以精兵速進掩其不備耳乃遣百騎襲其城拔之文秀請降冀州刺史

**集覽**

朐城即朐山縣城注見漢桓帝

崔道固亦降宋主皆復其位永興二年明僧暲明姓也僧暲其名暲古老反索虜司馬公曰南北朝互相排黜南謂北為索虜蓋拓跋

氏號索頭也史炤曰虜以索辯髮故曰索虜計齊之士民計料也青州在齊故曰齊揚州謂沈文炳也

正誤

揚兵直前今按綱目一本兵誤為州集覽遂以為文炳非也

# 魏將軍慕容白曜侵宋青州取四城

宋沈攸之自彭城還也留王玄載守下邳沈詔守宿豫睢陵淮陽皆留兵戍之時中纂守無鹽劉休賓守梁鄆房崇吉守升城張謹守團城與肥城廩溝垣苗皆不附魏魏遣將軍長孫陵慕容白曜等將兵赴青州白曜至無鹽欲攻之將佐皆以為攻具未備不宜遽進司馬酈範曰輕軍深入豈宜淹緩且中纂必謂我軍來速不暇攻圍將不為備今出其不意可一鼓而克白曜從之引兵偽退夜進攻之拔無鹽殺中纂欲盡以其人為軍賞範曰齊形勝之地宜遠為經畧今人心未洽連城相望皆有拒守之志非以德信懷

之未易平也白曜曰善皆免之將攻肥城範曰肥城雖小攻之引日勝之不益軍勢不勝足挫軍威彼見無鹽之破不敢不懼若飛書喻之不降則散矣白曜從之肥城果潰得粟三十萬斛白曜謂範曰此行得卿三齊不足定也遂取垣苗廩溝

**集覽**

下邳注見漢高帝六年梁

二戌一旬中拔四城咸震齊土

鄒漢高祖封武徭於梁鄒索隱曰縣名屬濟南肥城今濟寧府屬縣故城在東平府平陰縣東南廩溝青

州戍城名垣苗青州戍城名形勝之地注

**正誤**

升城

見漢高帝六年三齊注見漢王邦元年

**集覽**無註○今按升城

在齊州長青縣界

**質實**

一統志云宿豫古地名春秋時為鍾吾子國亦宿國所遷

地秦置下相縣漢又置沭縣晉省下相置宿豫縣及宿豫郡後魏屬南徐州東魏屬東楚州後周屬泗州隋下邳郡治此唐始改為宿遷縣屬徐州宋屬邳州元省後復置本朝因之改屬淮安府睢陵古地名

漢屬臨淮郡東漢置睢陵縣晉屬下邳國東魏屬臨  
潼郡隋廢金復置改為睢寧縣屬泗州尋屬邳州後  
廢元復置屬邳州本朝因之改屬淮安府淮陽縣名  
注見周赧王三十七年陳梁漢之縣名初屬碭郡後  
為梁國晉末省之故城在徐州碭山縣東南邳古邳  
侯國名漢置鄒平縣屬濟南郡晉為鄒縣屬樂安國  
後廢隋復置屬齊州後廢唐復置屬譚州貞觀初州  
廢屬淄州宋景德初徙治廢濟陽城金仍舊元屬濟  
南路本朝因之改屬濟南府升城未詳處所圍城未  
詳處所肥城古肥子國漢始置為縣屬泰山郡東漢  
省入盧縣宋置碭城後屬濟北郡後周置肥城縣  
隋屬濟州唐屬東泰州貞觀初省入博城屬兗州宋  
省入平陰縣金因之元復置  
屬濟寧路本朝改屬濟南府

宋以蔡興宗為郢州刺史質實

郢州注見漢後主  
建興七年武昌

○魏

# 取升城

宋房崇吉守升城勝兵不過七百人魏慕容白曜築長圍攻之三月乃克忿其不降欲盡坑之參軍事韓麒麟諫曰如此則自此以東諸城皆人自為守不可攻矣白曜乃止崇吉脫身走其母及中纂妻與魏濟州刺史盧度世有中表親然已疎遠及為魏所虜度世奉事甚恭贍給優厚度世閨門之內扣而有禮百口怡怡豐儉同之○宋崔道固閉門拒魏沈文秀遣使迎降請兵於魏白曜欲遣兵救之酈範曰文秀室家墳墓皆在江南擁兵數萬城固甲堅彊則拒戰屈則遁去今無朝夕之急何據求援且其使者視下色愧語煩志怯此必挾詐以誘我不可從也不若先取歷城克盩陽下梁鄒平樂陵然後案兵徐進不患其不服也白曜乃止文秀果不降○魏尉元表言彭城宋之要藩不有重兵積粟則不可固守若資儲既廣

則宋人不敢窺淮北矣且賊向彭城必由青泗過宿  
豫歷下邳趨青州亦由下邳沂水經東安北皆要地  
今先平之則青冀諸州可不攻而克不然則青冀雖  
拔百姓狼顧猶懷僥倖之心臣愚以為宜釋青冀之  
師先定東南斷劉或北顧之意絕愚民南望之心則  
淮北自舉暫勞永逸矣若天雨既降彼或運糧益衆  
規為進取則近淮之民翻然改圖青冀二州未可猝  
拔也○宋沈攸之自送運米至下邳魏人遣問詐之  
曰薛安都欲降求軍迎接吳喜請赴之攸之不許既  
而來者益多攸之謂曰諸人既有誠心若能與薛徐  
州子弟俱來者即皆假以鄉縣唯意所欲如其不爾  
無為空往來也自是不復至攸之乃使軍主陳顯達  
將千人助戍

集覽

歷城注見文帝元嘉八年盤陽古  
淄川郡隋置淄州今盤陽府是樂

下邳而還

陵平原郡邑漢置為郡今滄州縣在河間路樂音洛  
沂水縣名元屬沂州今隸莒州在益都路入沂水注



見漢獻帝質實韓麒麟昌黎人濟州注見漢景帝三建安三年濟南一統志云盤陽漢之縣名屬

濟南郡東漢屬齊國晉省之宋置東清河郡及貝丘縣北齊罷郡以縣屬齊州隋置淄州改貝丘為淄川

縣後州廢唐初復置淄州宋金元俱仍舊本朝初改淄川州以縣省入尋改州為縣屬濟南府樂陵古地

名秦為齊郡地漢為平原渤海二郡地三國魏分置樂陵郡晉為樂安樂陵二國地隋置泉州治陽信縣

後罷唐復置治樂陵入移治厭次天寶初入改樂安郡乾元初復為州五代梁徙治城東南宋復徙於此

元置濱棗路後改為棗州屬濟南本朝初改為樂安州以厭次縣省入後改為武定州屬濟南府清泗二

水名清注見晉帝奕太和四年泗注見文帝元嘉三十年沂水在淮安府邳州城西自山東沂州西流至

下邳南入泗河達于淮東安漢之縣名屬城陽國東漢屬琅邪郡晉宋因之北齊廢隋復置唐省入沂水

縣故城在青州府沂水縣南五十里薛徐州謂薛安都

宋以袁粲為僕射○秋八月宋遣中領軍沈攸之擊彭

城將軍蕭道成鎮淮陰

宋主復遣沈攸之等擊彭城攸之以清泗方涸糧運不繼固執以為不可宋主怒彊遣之而使行徐州事蕭道成鎮淮陰道成收養豪俊賓客始盛魏之入彭城也垣崇祖將部曲犇據朐山道成以為成主朐山濱海孤絕人情未安魏人得其叛將遣騎二萬襲之崇祖方出送客城中人懼皆下船欲去崇祖還謂腹心曰虜非有宿謀承叛者之言而來耳易誑也今得百餘人還事必濟矣卿等可亟去此二里外大呼而來云艾塘義人已破虜煩戍軍速往逐之舟中人果喜爭上岸崇祖引入據城遣羸弱入島人持兩炬登

山鼓譟魏軍乃退崇祖亦自彭城犇朐山遂依道成於淮陰劉僧嗣將部曲二千人居海島道成亦召而撫之

**集覽**

朐山注見漢桓帝永興二年艾塘義人艾塘地名在東海郡朐山縣西北十二里義人義

從之人也

**正誤**

艾塘義人今按謂舉義之人

**質實**

垣崇祖洛陽垣道人護之姪子部曲注見

陳文帝天嘉元年鼓譟注見文帝元嘉二十六年海島注見晉成帝咸康四年

## 魏作大像

高四十三尺用銅十

萬斤黃金六百斤

**書法**

書大像何譏媚佛也書作大像始此終網目書作大像者三是年唐武氏再書

## 魏人拒擊宋師走之遂取下邳

魏尉元遣兵拒沈攸之又以攸之前敗所喪士卒瘞  
墮膝行者還之以沮其氣宋主尋悔遣攸之等復召  
使還不及攸之至淮清口魏兵擊之衆潰還走淮陰  
委資械以萬計尉元以書喻宋徐州刺史王玄載玄  
載棄下邳走魏以辛紹先為太守紹先不尚苛察務  
舉大綱教民治生禦寇而已由是下邳安之宋宿豫  
戍將淮陽太守皆棄城走慕容白曜進屯瑯丘宋將  
軍房法壽襲據盤陽以降白曜表韓麒麟與法壽對  
為冀州刺史白曜引兵攻崔道周於歷城不下攻沈  
文秀於東陽文秀請降魏兵入城暴掠文秀悔怒拒  
守擊魏

**集覽**

瘞墮瘞株玉反寒瘡也顏

**質實**

淮清口  
即淮清

二水之口也按一統志云淮水在淮安府睢寧縣西  
源自靈璧縣東流經縣界又東北至宿遷縣入泗水  
清水注見晉安帝義熙十三年房法壽東  
武城人東陽城名注見文帝昇平元年

# 魏主始親政事

魏主李夫人生子宏，馮太后自撫養之。遂還政於魏主。魏主始親國事，勤於為治，賞罰嚴明，拔清節黜貪汙，於是魏之牧守始有以廉潔著聞者。

## 書法

太后專也

# 冬十月宋以金贖義陽王昶于魏

宋主遣使以金千兩贖義陽王昶于魏。魏人不許，使昶與宋主書為兄弟之儀。宋主責其不稱臣，不答。魏主復使昶與宋主書，昶曰：「臣本或兄，未經為臣，若改前書是為二敬。苟或不改，彼所不納。臣不敢奉詔，乃止。」魏人愛重昶。  
**集覽** 二敬，敬齋歲注主一之。正誤是謂敬無適之謂一是也。為

二敬今按劉昶先與宋主書為兄弟之儀而不答若又改而稱臣則是二其敬也集覽所引雖深而不切

**書法**

於是魏人不許則其書何予宋義也雖予之也亦惜之也以金贖昶可謂義矣而以不稱

臣故終以不答則為義不終矣

**十二月常珍奇叛魏歸宋考異**

提要作復歸于宋

帝珍奇雖降於魏實懷二心劉勔復以書招之會魏西河公石攻汝陰珍奇乘虛燒劫懸瓠驅掠上蔡安成平興三縣民屯於灌水

**質實**

汝陰縣名注見齊主實卷永元二年一統

志云安成漢舊縣名屬汝南郡晉宋仍舊隋省之故城在汝寧府城東南汝水北平興縣名注見秦王政二十三年灌水在汝寧府固始縣西南四十二里俗音訛為澮水褚先生論神龜出於江灌水間嘉林之

中謂此水也壽陽縣名注  
見齊主寶卷永元二年

### 書法

歸宋反正也必書叛魏何惡反覆也綱目惡

反覆於其降魏也書叛其歸宋也亦書叛及

魏叛歷城也則書奔與書孟達大異矣據漢後主

建興五年孟達不書叛書來歸是故珍奇歸宋書

叛魏是年陳伯之歸梁書叛魏而戊午趙匡贊

侯孟還漢書叛蜀戊申年皆惡其反覆者也

戊宋泰始四年  
中魏皇興二年  
春正月魏侵宋宋豫州刺史劉劭擊却

### 之斬其將關于拔

魏侵宋武津宋劉劭擊却之斬其將于都公關于拔  
淮西民賈元友上書陳伐魏取陳蔡之策宋主以其  
書示劭劭上言元友稱虜主幼弱內外多難天亡有  
期臣以為虜自去冬蹈藉王土今春連城圍逼國家

未能復境何暇滅虜元友所陳率多夸誕狂謀言之甚易行之甚難元嘉以來倉荒遠人多勸討虜從來信納皆貽後悔境上之人唯視彊弱王師至彼必壺漿侯塗裁見軍退便抄截蠶起此前後所見明驗非一也宋質實一統志云武津晉之縣名屬汝南郡宋主乃止未省之故址在汝寧府城北四十五里上蔡縣境內于都疑是縣名未詳處所淮西道名注見唐憲宗元和十年陳蔡古二國名陳注見周服王三十七年蔡注見秦二世二年上蔡僭荒注見文帝元嘉二十三年壺漿侯塗孟子云簞食壺漿以迎王師元嘉文帝年號蠶起注見秦二世二年

# 宋東徐兖州降魏魏以尉元為徐州刺史

魏尉元遣使說宋東徐州刺史張謏以團城降魏魏以高閭與謏對為刺史元人說宋兖州刺史王整



蘭陵太守桓訢降之魏以元為開府儀同三司徐州刺史鎮彭城召薛安都畢衆敬入朝以客禮待之封侯賜第資

**質實**

東徐州注見唐昭宗景福二年泗州蘭陵縣名注見漢光武建武四年

給甚厚

## 二月魏拔宋歷城

崔道固

出降

常珍奇奔宋考異

提要無此句據三年分注此句當削

○宋車騎大將軍

王玄謨卒○夏四月宋減民田租之半○宋劉劭敗魏

兵於許昌質實

許昌縣名注見漢獻帝建安元年

○魏以李惠為征南

大將軍馮熙為太傅考異

按凡例親戚書其屬此當書魏以馮太后兄熙為太傅李

夫人父惠為  
征南大將軍

忠李夫人之父熙  
馮太后之兄也

秋七月宋以蕭道成為南兖州刺史質實

南兖州注見  
漢武帝元朔

五年  
淮南

書法

是歲十月朔日  
食不書疑漏

○冬十二月宋改葬路太后

義嘉之亂路太后暴殂既葬巫師復  
請發陵戮玄宮為厭勝至是改葬之  
集覽義嘉晉安  
王子勛稱

帝時改元義嘉厭勝厭  
並涉反廣雅云厭鎮也

宋以阮佃夫為游擊將軍

先是中書侍郎舍人皆用名流為之太祖始用寒士世祖猶雜用士庶而巢戴遂用事及宋主盡用左右細人佃夫及中書舍人王道隆散騎侍郎楊運長並參預政事權亞人主巢戴所不及也佃夫尤恣橫納貨賂作威福朝士貴賤莫不自結僕隸皆不次除官捉車人至中郎將馬士至員外郎

集覽

巢戴

巢尚之戴法興事見

質實

中郎將官名注見漢帝立更始三年

己宋泰始五年酉魏皇興三年

春正月魏拔宋青州執其刺史沈文秀

沈文秀守東陽魏人圍之三年外無救援士卒晝夜拒戰甲冑生蟻蟲無離叛之志至是魏人拔東陽文秀解戎服正衣冠持節坐齋內魏人執之縛送慕容白曜使之拜文秀曰各兩國大臣何拜之有白曜還

其衣為設饌鎖送平城魏主宥之待為下客給惡衣  
疏食既而重其不屈拜外都下大夫於是青冀之地

盡入於質實東陽城名注見  
魏矣順帝昇平元年

發明

宋自元嘉末年侵魏之後兩國各務自餘無  
復兵爭至薛安都等叛降于魏於是魏人乘

釁侵宋取淮北淮西及下邳諸郡之地今又拔青  
州而執其刺史宋惟迫於內難未遑外畧亦下復  
與之力爭然魏氏納其叛臣奪其土地屠其城邑  
雖若得志一時夫豈仁義之舉綱目隨事書之是  
非曲直瞭然在目固  
自不可得而掩也

二月魏以慕容白曜為青州刺史

白曜撫御有  
方東人安之

# 魏立三等輸租法除其雜調

魏自天安以來比歲旱饑重以青州用兵山東之民疲於賦役魏主命因民貧富分為三等輸租之法等為三品上三品輸平城中輸他州下輸本州舊制常賦之外有雜調十五至是罷之民稍贍給

**質實**

青州注見漢桓帝永康元年山東道名注見文帝元嘉二十五年

# 宋以太尉廬江王禧為南豫州刺史

宋河東柳欣慰等謀反欲立太尉廬江王禧禧帝兄而帝輕之以廢帝謂之驢王徙封廬江禧銜之遂與欣慰通謀事覺詔降禧車騎將軍出鎮宣實南豫城遣腹心楊運長領兵防衛欣慰等伏誅實實州注見漢明帝永平十三年丹陽河東郡名注見漢獻帝建安七年廬江郡名注見漢景帝五年宣城郡名注

見漢明帝永平  
十三年丹陽

**書法**

於是柳欣慰謀反禘與之通事覺出之其不  
書謀反何罪宋主也禘其兄也而輕侮醜詆

以失其心綱目深探其本故禘之  
謀反不書而其殺也斥書宋主

# 夏五月魏置僧祇佛圖戶

魏徙青齊民於平城桑乾立平齊郡以居之沙門統  
曇曜奏平齊戶及諸民有能歲輸穀六十斛入僧曹  
者即為僧祇戶粟為僧祇粟遇凶歲賑給饑民又請  
民犯重罪及官奴以為佛圖戶以供諸寺掃灑並許  
之於是僧祇寺**集覽**平城注見漢高帝七年桑乾注  
戶徧於州鎮矣**集覽**見文帝元嘉二十八年僧祇佛  
圖佛書有阿僧祇此祇字下無一畫音**質實**一統志  
祈或音脂非也佛圖即浮屠梵語佛陀云平齊

古地名秦為鴈門郡陰館縣地東漢末廢後魏置平齊郡隋為神武縣地屬馬邑郡唐廢遼置河陰縣屬應州宋改山陰縣置忠州元併入金城縣後復置至本朝因之改屬大同府沙門僧名注見漢明帝永平八年

六月魏立子宏為太子○宋主殺其兄廬江王綽

宋主又令有司奏綽怨懟有怨言詔免官爵遣使持節逼令自殺

冬十月朔日食實

日食注見漢惠帝七年

○十一月魏遣使如

宋脩好

自是信使歲通

發明

魏既得志於宋今乃遣使脩好宋亦自守不暇不念舊惡綱目據事書之亦幸其兵禍之

息也

# 十二月宋以桂陽王休範為揚州刺史

宋司徒揚州刺史建安王休仁與宋主素相友愛景和之世宋主賴其力以脫禍及泰始初四方兵起休仁親當矢石克成大功任總百揆親寄甚隆由是朝野輻湊宋主不悅休仁悟其旨表解揚州宋主以休範代  
**集覽**景和宋主子業年號  
**質實**桂陽郡名注見漢武帝元鼎五

年輻湊注見漢文帝六年

# 宋置三巴校尉



先是三峽蠻獠歲為抄暴故分荆益四郡立府於白  
帝以鎮之又以孫謙為巴東建平太守招募千人自  
隨謙曰蠻夷不賓蓋待之失節耳何煩兵役以為國  
費遂不受至郡開布恩信蠻獠翕然懷之競餉金寶  
謙皆慰集覽蠻獠記王制篇南方曰蠻韻實寶三巴  
諭不受集覽書注獠魯皓反西南夷也實寶地名  
注見漢獻帝建安二十年白帝地名注見漢獻帝建  
安十七年孫謙東莞人巴東郡名注見漢獻帝建安  
十九年建平郡名注  
見晉武帝太康元年

## 宋臨海賊起

臨海田流自稱東海王剽集覽臨海漢屬東甌國三  
掠海鹽殺鄞令東土大震集覽國吳為臨海郡即今  
台州臨海縣鄞令鄞縣令長也鄞音銀秦時鄞屬質  
會稽郡今慶元府屬縣也鄞縣故城在鄞縣東南質

實

臨海郡名注見晉安帝元興元年東海郡名注見秦二世二年鄆一統志云鄆古越東境之地名秦

置鄆縣屬會稽郡漢因之王莽改為謹縣東漢復舊名隋併入句章縣屬吳州唐初析句章置鄆州尋廢州為鄆縣屬越州開元中復改為鄆縣屬明州宋元俱仍舊至本朝因之改為寧波府治所仍屬焉

庚戌宋泰始六年  
魏皇興四年

春正月宋定南郊明堂歲祀

間二年一祭南郊  
間一年一祭明堂

宋納太子妃江氏考異

提要作宋太子昱納妃江氏竊疑書宋納太子妃則似唐玄宗

納壽王妃而於君臣父子之教所害尤大今考晉泰始八年書晉太子叅納妃賈氏陳大建五年書周太子賈

納妃楊氏則此當從提要

宋納太子妃令百官皆獻始興太守孫奉伯  
止獻琴書宋主大怒封藥賜死既而原之  
質實始興

郡名注見晉愍

帝建興三年

書法

納太子妃不書此其書何志賄也於是責百  
官皆獻故書議之終綱目太子書納妃三晉

袁賈氏是年江氏  
周寶揚氏皆議也

魏擊吐谷渾敗之質實

吐谷渾西域國名注  
見晉元帝建武元年

○夏六月

宋以王景文為僕射揚州刺史

宋主宮中大宴裸婦人而觀之王后以扇障面上怒  
曰外舍寒乞今共為樂何獨不視后曰為樂之事其  
方自多豈有姑姊妹集而以此為笑乎外舍之樂雅  
異於此上大怒遣后起后兄景文聞之曰后在家劣

弱令段遂能  
剛正如比

宋以南兖州刺史蕭道成為黃門侍郎尋復本任考異

一本漏

州字

道成在軍中久民間或言其有異相宋主疑之徵為黃門侍郎道成懼不欲內遷而無計得留參軍荀伯玉教其遣數十騎入魏境魏果遣遊騎行境上道成以聞宋主乃使道成復本任

質實

南兖州注

見漢武帝元朔五年淮南荀伯玉廣陵人

書法

尋復本任矣何以書譏受欺也於是道成不欲內遷遣騎畧魏魏果遣遊騎行邊道成以

聞遂復本任受欺甚矣故書譏之

發明

宋主以疑而召道成道成以計而寢召命君臣相詐如此果何益哉尋復本任直筆書之

交議

之爾

宋立總明觀實

總明觀未詳處所

置祭酒一人儒玄文史學士各十人

集覽

儒玄文史四學之名也文帝元嘉十五年立

柔然侵魏魏主自將擊敗之

柔然侵魏魏主引羣臣議之僕射南平公目辰曰車駕親征京師危懼不如持重固守虜懸軍深入糧運不繼不久自退遣將追擊破之必矣給事中張白澤曰秦繭荒愚輕犯主畧若鑒與親行必望麾崩散豈可坐而縱敵以萬乘之尊嬰城自守非所以威服四夷也魏主從之柔然大敗乘勝逐北降斬數萬所獲

馬伏不可勝計旬有九日往返六千里時魏百官不給祿少能以廉白自立者魏主詔史受所監臨羊一口酒一斛者死與者從坐有能糾告尚書以下罪狀者以所糾官授之白澤諫曰昔周之下士尚有代耕之祿今皇朝貴臣服勤無報若使受禮者刑身糾之者代職臣恐姦人闕望忠臣懈節求事簡而民安不可得也請依律令舊法仍**集覽**樂與與車也萬乘稱班祿以酬廉吏魏主乃止

**質實**

柔然北狄國名注見晉孝周報王三十一年武帝太元十二年南平郡

名注見晉惠帝永興二年京師注見周顯王二十五年張白澤上谷沮陽人宛之孫周之下士尚有代耕之祿孟子曰下士與庶人在官者同祿祿足以代其耕也

**書法**

柔然於魏書寇久矣此其止書侵何薄其罪也蓋自壬午遣使如宋而魏襲之自是人四

伐焉今而脩怨情也故止書侵孝文既立二年三侵則不可以復恕矣故甲寅復書寇

# 魏殺其青州刺史慕容白曜

初魏乙渾專政白曜附之魏主追以為憾誅之

# 宋討臨海賊平之

辛宋泰始七年魏高祖孝文帝拓跋宏延興元年

**考異**

按魏獻文帝以是年八月傳位於太子宏此當

分注魏皇興五年高祖孝文帝宏延興元年據前分注文成帝瀋獻文帝弘皆無拓跋二字則此拓跋二字當

去削春二月宋主殺其弟晉平王休祐以巴陵王休若為

# 南徐州刺史

初宋主為諸王寬和有令譽獨為世祖所親即位之初義嘉之黨多蒙寬宥隨才引用有如舊臣及晚年更猜虐好鬼神多忌諱文書有禍敗凶喪疑似之言應迴避者數千百品有犯必戮左右忤意往往剗斷淮泗用兵府藏空竭百官絕祿而奢費過度每造器用必為正御副御次副名三十枚至是寢疾以太子幼弱深忌諸弟晉平王休祐剛狠數忤旨宋主積不能平因其從出射雉陰遣壽寂之等拉殺之陽言落馬贈葬如禮既入忌寂之勇健亦殺之建康民間訛言荊州當出天子刺史巴陵王休若有貴相宋主召為南徐刺史休若憂懼將佐亦謂還朝必不免禍參軍王敬先曰荊州帶甲十萬地方數千里上可以匡天子除姦臣下可以保境土全一身孰與賜劍邸第使臣妾飲泣而不敢莖乎休若以白宋主而誅之

集覽

剗剗音枯破腹也

質實

南徐州注見泰始皇二十八年彭城晉平



郡名注見漢武帝建元三年閩中已陵郡名注見文帝元嘉三年劉注見梁武帝天監七年斷周書秦誓中斷朝涉之脛注斷斫也孔氏曰紂冬月見朝涉水者謂其脛耐寒斫而視之

魏西部敕勒叛討之不克實

敕勒高車部名注見文帝元嘉七年

○夏

五月宋主殺其弟建安王休仁

晉平刺王既死休仁益不自安宋主亦病與楊運長等為身後之計運長等又慮宋主晏駕休仁秉政已不得專權彌贊成之於是召休仁入宿尚書下省遣人齎藥賜死休仁罵曰上得天下誰之力邪孝武以誅鋤兄弟子孫滅絕今復為爾宋祚其得久乎宋主慮有變力疾乘輿出端門休仁死乃入下詔稱休仁謀反懼罪引決降為始安縣王聽其子伯融襲封宋主與休仁素厚雖殺之每謂人曰我與建安年時相

鄒少更欺狎艱難之中勲誠實重事計交切不  
得不除痛念之至不能自己因流涕不自勝

集覽

晉平判王晉平所封邑名漢書音義曰刺來葛反戾  
也諡法暴戾無親曰刺力疾注見晉穆帝永和五年  
引決引長也決通作訣別也長別之  
義或曰猶言自裁謂裁決生死也  
質實  
二年乘輿注見漢安帝延安四年  
始安縣注見晉成帝咸和四年  
漢高帝十

# 宋以袁粲為尚書令褚淵為僕射

初宋主在藩與褚淵相善既即位深委仗之及寢疾  
淵守吳郡急召入見宋主流涕曰吾近危篤故召卿  
著黃襪耳黃襪者乳母服也因與淵謀誅休仁淵以  
為不可宋主怒曰卿瘕人不足與計事淵懼而從命  
集覽  
黃襪襪音力賀反婦人所著之衣也宋主  
欲褚淵輔佐太子如乳母之哺養小兒也  
質實

吳郡注見漢獻  
帝建安五年

秋七月宋主殺其弟巴陵王休若以桂陽王休範為江

# 州刺史

休若至京口聞建安王死益懼宋主以休若和厚能  
得物情恐其將來傾奪幼主欲遣使殺之慮不奉詔  
乃手書召之使赴七月七日宴及至賜死而以桂陽  
王休範刺江州時宋主諸弟俱盡唯休範以人討凡  
劣不見忌故得全沈約曰太祖之於義康以呵訓之  
微行成滅親之大禍開端樹隙垂之後人太宗因易  
隙之情據已行之典翦落洪枝不待顧慮既而幼主  
孤立神器傾移履霜堅冰其所由來遠矣裴子野曰  
太宗保宇螟蛉剿拉同氣既迷在原之天屬未識父  
子之自然宋德告終非天廢也夫危亡之君未嘗不

先棄本技姬煦旁孽推誠發狎疾惡父兄前來覆車  
後來併轡借使叔仲有國猶不失配天而他人入室  
將七廟絕祀曾是莫懷甘心摘落晉武背文明之託  
而覆中州者賈后太祖棄初寧之誓而登合殿昔元  
凶禍福無門奚其豫擇

集覽

呵訓之微行行下孟反  
事在文帝元嘉十七年

友于兄弟不亦安乎  
太宗保字螟蛉保養字乳也太宗明皇帝先以宮人  
賜李道免已復迎還而生星是為後廢帝故云螟蛉  
也詩小宛篇螟蛉有子蜾蠃負之文公傳曰螟蛉桑  
上青蟲也似步屈蜾蠃上蜂也取桑蟲負之入木空  
中七日而化為其子揚子曰螟蛉之子殪而逢蜾蠃  
祝之曰類我類我久則肖矣迷在桑之天屬謂迷失  
兄弟之親也詩常棣篇脊令在原兄弟急難注脊令  
難渠也飛則鳴行則搖不能自舍耳急難言兄弟之  
相救於急難箋云難渠水鳥而今在原失其常處則  
飛則鳴求其類天性也猶兄弟之於急難姬煦旁孽

姬煦注見晉康帝建元元年旁孽旁枝庶孽也庶孽  
注見漢景帝三年七廟記王制篇天子七廟謂三昭  
三穆與太祖之廟而七鄭玄曰此周制也七者太祖  
及文王武王與親廟四公羊傳成六年注廟之言貌  
也宗廟者先祖之尊貌也王立七廟一壇一墠曰考  
廟曰王考廟曰皇考廟曰顯考廟曰祖考廟皆月祭  
之注王皇皆君也顯明也祖始也名先人以君明始  
者所以尊本之意也晉武背文明之託而覆中州者  
賈后晉文帝臨終為武帝叙西漢淮南厲王及三國  
魏陳思王故事而泣又執齊王攸手以授武帝太后  
臨終亦流涕謂武帝曰挑符性急而汝不慈恐不能  
相容以是屬汝勿忘我言挑符齊王攸小字也後中  
書監荀勗等疾攸構於武帝之前攸知之憤怨嘔血  
而死賈后惠帝皇后也后性酷虐嘗手殺人弑皇太  
后楊氏殺皇太子適致趙王倫率兵入宮廢殺賈后  
而自稱皇帝遷惠帝于金墉太祖棄初寧之誓而登

合殿者元凶宋太祖文皇帝就其姊會稽公主宴主  
起再拜悲泣曰車子歲暮必不為陛下所容今特請  
其命文帝指蔣山曰若違今誓便是負初寧陵初寧  
陵武帝陵墓也車子義康小字也後江夏王義恭奏  
義康有怨言被殺元凶謂太子劬也劬引張超之等  
馳入齋閣弑文帝於合殿友于兄弟善于兄弟為友  
質實京口郡名注見晉考  
武帝元十五年

發明

湘東始以寬和得譽身罹子業之禍得脫僅  
若毫芒既更子劬之變於是盡殺其猶子亦

可已矣今乃復殺諸弟何也唐虞明德不曰親睦  
九族則曰厚叙九族周家內睦九族並建蕃屏卜  
世三十年過其歷家主或欲為後嗣計反乃盡剪  
其枝葉然而忌道成而不能去他日移國固非失  
於友于之愛也綱目備而書之休祐休仁休若之  
死一則曰宋主議其弟二則曰宋主殺其弟大書

特書不一而足其惡不可勝數後嗣絕滅宜哉

## 宋主殺其豫州都督吳喜

初吳喜之討會稽也言於宋主曰得諸賊帥皆即戮之既而生送子房釋顧琛等宋主以新立功不問而心銜之至是以其多計數得人情恐其不能事幼主乃召入賜死又詔劉劭等曰喜輕狡萬端苟取物情非忘其功勢不得已耳

### 書法

明帝之篇非殺其親戚不斥書主據泰豫元年王景文止書宋殺此其斥宋主何誅心也

先是喜討會稽生送子房宋主銜之至是見殺殺吳喜之心即殺子房之心也綱目誅心故以殺親戚例書之其旨深矣

# 宋以蕭道成為散騎常侍

道成被徵所親以朝廷方誅大臣多勸勿行道成曰諸卿殊不見事主上自以太子推弱剪除諸弟何預他人今唯應速發不且見疑且骨肉相殘自非靈長之祚禍難將興方與卿等戮力耳既至拜散騎常侍

集覽

戮力左傳戮力一心注戮力併力也戮字本作勦

# 八月魏主弘傳位於太子宏自稱太上皇帝

魏主聰睿夙成剛毅有斷而好黃老浮屠之學常有遺世之心以叔父京兆王子推沈雅仁厚欲禪以位乃會公卿大議皆莫敢言子推兄任城王子雲對曰陛下方隆太平臨四海豈得上違宗廟下棄兆民必欲遺棄塵務則皇太子宜承正統夫天下者祖宗之天下若更授旁支恐非先聖之意啟姦亂之心不可



不慎也太尉源賀尚書陸馥皆附子雲議魏主怒變  
色中書令高允曰臣不敢多言願陛下上思宗廟託  
付之重追念周公抱成王之事魏主乃曰然則立太  
子羣公輔之又曰陸馥直臣必能保吾子以為太保  
與源賀持節奉璽綬傳位於太子宏時宏生五年矣  
有至性前年魏主病癰親吮之及是悲泣不自勝魏  
主問其故對曰代親之感內切於心宏即位羣臣奏  
曰漢高祖稱皇帝而尊其父為太上皇明不統天下  
也今皇帝幼冲萬機大政陛下猶宜總之謹上尊號  
曰太上皇帝從之徙居北苑崇光宮采椽土階園大  
事乃以間入建鹿野浮集覽黃老浮圖之學黃老黃  
圖於苑中與禪僧居之帝老子也浮屠釋氏也  
史記黃帝者有熊國君少典之子也姓公孫名曰軒  
轅老子姓李名耳字伯陽謚曰聃周守藏室之史也  
韓非傳歸本於黃老索隱注黃老之法清簡無為君  
臣自正浮屠通作浮圖釋典云僧曰浮圖塔亦曰浮

圖魏志云浮屠正號曰佛陀佛陀與浮屠聲相近皆西方字其來轉為二音也又釋氏要覽曰梵語佛陀或云浮屠或云部多或云母馱或云沒陀皆是五天竺語楚夏並譯之為淨覺今畧稱佛也采椽土階火記太史公自序曰堯舜堂高三尺土階三等茅茨不剪采椽不刮注索隱曰此是韓子之文帝昭曰采椽櫟椽也正義曰采椽採取為椽不刮削也采通作採前書相如傳採椽不斲注採柞木也浮圖此謂塔也梵語浮圖華言譯之曰聚

**質貫**

京兆郡名注見唐玄宗開元十一年任城

郡名注見漢明帝永平十四年周公抱成王之書史記周武王崩成王立周公居冢宰以五年幼忍天下叛乃攝行政代王當國南面負宸以朝諸侯璽綬注見漢光武建武三年漢高祖稱皇帝而尊其父為太上皇事在漢高帝六年

書法

賀善贊曰前此有尊其父為太上皇者明不統天下也今魏傳位於其子稱太上皇帝者

猶總乎

萬幾也

發明

大位大姦之招也古人兢兢業業一日萬幾豈固厭逸樂而好勤勞哉所居天位所治天

職祖宗基業之付託海宇民物之歸仰宵衣旰食猶懼弗勝焉有尊居人上而厭棄塵勞者哉必若清虛恬淡毋亦擇賢而用委任責成總其大綱猶或庶幾况嗣子方穉乃欲委而去之何耶綱目書魏主傳位太子自稱太上皇帝以見其斷出於已固非他人使之異時鴆毒潛行其身不保亦以大權去手莫能致詰故爾尚誰咎哉雖然魏主屏去聲色超然物外其興奢侈縱慾相去何止什百然而不享喬松之壽反貽覆身之禍然則浮屠黃老之學果何益哉噫

冬十月魏敕勒叛討破之

魏沃野統萬二鎮敕勒叛遣太尉源賀討之皆降追擊餘黨俘獲甚衆詔賀督三道諸軍屯漠南先是每歲秋冬發軍三道並出以備柔然春中乃罷賀以為往來疲勞不可支久請募諸州鎮武健者三萬人築三城以處之使三時務農冬則講武不從

**質實**

沃野鎮名未詳處所統萬鎮名注見晉安帝義熙九年

漠南注見漢獻帝建安二十五年沙漠

宋人侵魏魏人擊却之

宋主命琅邪蘭陵太守垣崇祖經畧淮北崇祖自郁洲將數百人入魏境七百里據蒙山魏人擊却之

**質實**

琅邪郡名注見文帝元嘉七年郁洲注見晉安帝隆安五年一統志云蒙山在兗州府費縣西

北七十里書蒙羽其藝詩奄有龜蒙即此處又以其居魯地之東一名東山孟子所謂孔子登東山而小魯是也垣崇祖洛陽垣道人護之姪

## 宋作湘宮寺

宋主以故第為湘宮寺備極壯麗新安太守巢尚之罷還宋主謂曰卿至湘宮寺未此是我大功德散騎侍郎虞愿侍側曰此皆百姓賣兒貼婦錢所為佛若有知當慈悲嗟愍罪高浮圖何功德之有侍坐者皆失色宋主怒使人驅下殿愿徐去無異容宋主恭品甚拙而每與第一品王抗對奕抗紹曰皇帝飛恭臣不能斷宋主終不悟好之愈篤愿入曰堯以此教丹朱非人主所宜好也宋主怒甚以其舊臣優容之餘姚人浮圖塔名注見本堯以此教丹朱博

物志先造圍棋以教子丹朱或云舜子商均  
愚故作圍棋以教之其法非智者不能也

### 書法

前書立佛精舍矣未有書作寺者書作寺始  
此自是魏書永明閑居梁己丑年書永寧梁

丙申年唐書章敬代宗大歷二年書入寺武宗會  
昌六年閑書白龍五代丁酉年不可勝書矣終綱

目書作寺六  
精舍不與焉

### 發明

作善降之百祥作不善降之百殃積善之家  
必有餘慶積不善之家必有餘殃宋主或劉

拉宗夫淫刑濫殺猜忌忍虐人不自保內則淫汙  
肆慾外則極侈窮奢嬖倖縱橫殘民蠹國其不善  
之積如此方且大營梵宇自謂福田然不閱歲而  
告殞勦滅無餘向之所謂大功德者果安在哉君  
子觀綱目書宋作湘宮寺然後驗  
其所享之報而是非得失瞭然矣

壬宋泰豫元年  
午魏延興二年  
春正月宋蠻酋桓誕以沔北降魏

大陽蠻酋桓誕擁沔北八萬餘落降魏自云桓玄之子魏以為東荊州刺史使起部郎常珍與誕安集新民區處諸事  
質實  
大陽蠻未詳處所唯永州府城西皆得其所  
二百四十里有大陽山未知是否  
桓玄譙國人晉安帝隆安三年反元興元年入建康廢安帝為平固王遷于尋陽自稱皇帝國號楚改元永始次年寧州都督馮遷擊誅之沔北注見漢獻帝建安十三年漢沔東荊州注見齊武帝永明五年沔陽

二月柔然侵魏魏擊走之○宋殺其揚州刺史江安侯

王景文

景文常以盛滿為憂屢辭位宋主不許詔報曰人居貴要但問心若為耳大明之世巢徐二戴位不過執戟而摧抗人主今表榮為令僕領選而人往往不知有榮以此居貴要當有致憂競否夫有心於避禍不若無心於任運存亡之要巨細一揆耳至是慮晏駕後皇后臨朝景文或有異圖遣使齋手救並藥賜死景文正與客棋叩函看已復置局下神色不變局竟歛子納奩畢徐曰奉教見賜以死方以教示客中直兵焦度怒曰大丈夫安能坐受死州中文武數百足以一奮景文曰知卿至心若見念者為我百口計乃作墨啟致謝飲藥而卒謚曰懿侯宋主又嘗夢有集人告曰豫章太守劉惔反既寤遣人就郡殺之

覽

大明孝武帝年號巢徐二戴巢尚之

質實

江安縣名注見

漢獻帝建安十九年公安焦度南安郡氏文珪之孫豫章郡名注見漢武帝元鼎五年



發明

考之分注景文處死不亂如此若畀以託孤之任豈不愈於道成乃反疑而殺之何耶書

官書爵可

哀也已

## 夏四月宋主彧殂太子昱立

宋主病篤以桂陽王休範為司空褚淵為護軍將軍劉劭為右僕射與尚書令袁粲荆川判史蔡興宗郢州刺史沈攸之並受顧命淵素與蕭道成善薦之詔以為右衛將軍共掌機事宋主遂殂太子昱即位生十年矣粲等秉政承奢侈之後務弘節儉欲救其弊而阮佃夫等用事貨賂公行不能禁也

**質實**

郢州注見漢後主建興七年武昌

書法

明帝之初綱目書宋立予其立也即位以來書殺者八而子勛之外殺兄殺弟殺其兄之

子斥書宋主者並吳喜而六再傳而亡宜矣

# 宋以安成王準為揚州刺史

準實桂陽王休範之子而太宗以為已子

質實

安成郡名注見秦始三年揚州注見漢獻帝興平二

年金陵桂陽郡名注見漢武帝元鼎五年

# 秋七月宋以沈攸之都督荆襄八州軍事

宋右將軍王道隆以蔡興宗彊直不欲使居上流以為中書監而以沈攸之代之興宗辭不拜王道隆每詣興宗躡履到前不敢就席良久去竟不呼坐攸之自以材畧過人陰畜異志擇郢州士馬器仗精者以自隨到官以討蠻為名大發兵力部勒嚴整重賦斂以繕器甲舊應供臺者皆割留之羈留商旅蔽匿亡命

所部逃亡窮追必得而後止舉措專恣不復承用符  
敕朝廷疑而憚之為攻刻暴或鞭撻士大夫然吏事  
精明人不敢欺盜  
賊屏息外戶不閉

八月宋中書監樂安公蔡興宗卒質實

樂安縣名注見  
漢靈帝中平二

年蔡興宗陳留  
考城人廩之子

謚曰  
宣穆

書法

中書監未拜則何以書子賢也故官稱其才  
則興宗以未拜而卒書中書監罰不當罪則

楊惲以已廢而殺書故平通侯漢宣帝五鳳四年  
皆綱目之特筆也宋魏至陳諸臣卒具官爵者十

九人詳宋  
半酉年

冬十月柔然侵魏魏擊走之○宋以劉秉為僕射

秉和弱無幹能以宗室清令改袁褚引之

**質實**

劉秉彭城人宋宗室秉褚謂袁聚褚淵

宋以阮佃夫為給事中

佃夫權任轉重欲用其所親為部表聚等不從佃夫稱敕施行眾不敢執

**書法**

再書宋何不使佃夫同於劉秉也綱目正邪之分嚴矣

魏制小祀勿用牲

魏有司奏諸祠祀一千七十五所歲用牲七萬五千五百上皇惡其多殺詔自今非天地宗廟社稷皆勿

用牲薦以酒醑

癸宋主昱元徽元  
丑年魏延興三年

春正月魏詔守令勸農事除盜賊

魏詔守令勸課農事同部之內貧富相通家有兩牛  
通借無者縣令能靜一縣級盜者兼治二縣即食其  
祿能靜二縣者兼治三縣三年遷為郡守郡  
守自二郡至三郡亦如之三年遷為刺史

## 二月宋以晉熙王燮為郢州刺史

宋桂陽王休範素凡訥少知解物情亦不向之故太  
宗之末得免於禍及是自謂尊親莫二應入為宰輔  
既不如志怨憤頗甚典籤許公與為之謀主令休範  
折節下士遠近赴之收養勇力繕治器械朝廷知之  
陰為之備會夏口闕鎮以其地居尋陽上流欲使腹  
心居之乃以晉熙王燮為刺史而以王奐為長史行  
事燮始四歲宋主之弟也復恐其過尋陽為休範所  
留使自太泱徑去休範大怒密與公與謀襲建康真

景文之兄子也。集覽少知解句絕少不甚也知去聲心有正

誤

少知解今按知如字

質實

典籤官名注見營陽王景平二年折節注見周赧王二年尋陽郡名

注見晉明帝太寧三年夏口地名注見漢獻帝建安十三年晉熙郡名注見梁簡文帝大寶元年太

是地名未詳處所

吐谷渾寇魏遣兵討降之考異

寇當作侵討當作擊

○魏以孔

乘為崇聖大夫

乘孔子二十八世孫也質實孔乘魯國人

秋七月魏制河南六州賦法質實

一統志云河南古豫州地漢置豫州刺史

察舉潁州河南等郡而不常所治東漢置司隸校尉治洛陽而別置豫州於譙郡唐於此置河南道開元中置都畿河南河北三道採訪處置使而都畿道治東都河南道治陳留河北道治魏郡宋都於汴置京東東西二路安撫使以開封河南守臣兼領元於此置河南江北等處行中書省河南江北道肅政廉訪司至本朝置河南等處承宣布政使司領開封彰德衛輝懷慶河南南陽汝寧七府云

戶收絹一疋綿十斤租三十石

書法

議重斂也於是戶收絹一疋綿十斤租三十石

冬十月武都王楊僧嗣卒弟文度立降魏考異

立當作嗣

○

宋尚書令袁粲以母喪去職

詔以衛軍將

軍攝職聚辭

書法

朱有書母喪去職者此其書何嘉守禮也於是詔聚以衛將軍攝職聚固辭當時如聚者

蓋鮮矣故書嘉之然則劉湛嘗以母憂去則曷為不書湛競者也其去不得已焉耳終綱目書以母

喪去二是年表聚唐憲宗元和二十一年王叔文

發明

母喪去職前此未有書者是時主少國疑姦雄伺隙聚躬受託孤之任所繫甚重其可拘

常守禮者哉特筆書之非美之也正所以譏其暗於機事爾

十二月朔日食○柔然侵魏○魏州鎮十一水旱

甲宋元徽二年夏五月宋江州刺史桂陽王休範舉兵寅魏延興四年



# 反攻建康右衛將軍蕭道成擊斬之

休範反帥衆二萬騎五百發尋陽以書與諸執政稱揚運長等盡感先帝使建安巴陵無罪被戮請誅之朝廷惶駭蕭道成曰昔上流謀逆皆因淹緩至敗休範必懲前失輕兵急下乘我無備今宜頓兵新亭白下堅守宮城東府石頭以待賊至千里孤軍復無委贖求戰不得自然瓦解我請頓新亭以當其鋒破賊必矣袁粲聞難扶曳入殿內外戒嚴道成遂出屯新亭張永屯白下沈懷明戍石頭道成治壘未畢休範前軍已至新林捨舟步上遣其將丁文豪別趣臺城而自以大衆攻新亭道成拒戰移時外勢愈盛衆皆失色休範白服登城以數十人自衛校尉黃回張敬兒謀詐降以取之乃出城放仗大呼稱降休範信之置於左右回目敬兒奪休範防身刀斬之持首歸新亭道成遣送詣臺道逢南軍送者棄首於水挺身得

達唱云已平而無以為驗人莫之信休範將士亦不知其將杜黑驃攻新亭甚急道成拒戰自晡達旦矢石不息會丁文豪破臺軍進至朱雀桁黑驃遂北趣之王道隆將羽林精兵在門內召劉勔於石頭勔至命撤桁以折南軍之勢道隆怒曰賊至但當急擊寧可開桁自弱邪勔不敢復言道隆趣勔進戰勔戰敗死黑驃等乘勝度淮道隆走還黑驃追殺之黃門侍郎王蘊重傷而踣或扶之以免於是中外大震白下石頭之衆皆潰先是月犯右執法太白犯上將或勸劉勔解職勔曰吾執心行已無愧幽明災眚之來避何可免勔晚年頗慕高尚立園宅名東山罷遣部曲蕭道成謂曰將軍受顧命輔幼主而深尚從容廢省羽翼一朝事至悔可追乎勔不從而敗褚淵弟澄為撫軍長史開東府門納南軍擁安成王準據東府中書舍人孫千齡開門出降宮省恒擾衆莫有聞志俄而丁文豪之衆知休範已死稍欲退散許公與詐

稱桂陽王在新亭士民惶惑詣壘投刺者以千數道  
咸皆焚之登城謂曰劉休範已就戮屍在南崗下我  
乃蕭平南也諸君諦視之刺皆已焚勿懼也即遣陳  
顯達等將兵入衛表榮懷慨謂諸將曰今寇賊已逼  
而衆情離沮孤子受先帝付託不能綏靖國家請與  
諸君同死社稷被甲上馬將驅之於是顯達等引兵  
出戰大破黑驃文豪皆斬

### 集覽

宮城即臺城也注見  
文帝元嘉三十年委

積禮天官宰夫掌宰禮委積注委積謂宰米薪芻委  
於僞反積子賜反此二字相連皆同此音投刺書姓  
名於奏白曰刺音七賜反投刺所以通姓名而歸投  
也蘇氏鄉義曰凡見長者用名紙見敵者以下用刺  
字其文止曰某郡姓名  
**質實**新亭注見晉安帝元興  
而已有爵者並爵書之  
元年白下城名注見明  
帝泰始九年東府注見晉安帝元興元年石頭城名  
注見漢獻帝建安十七年新林浦名注見文帝元嘉

三年攷仗注見晉安帝元興元年朱雀府注見晉明帝太寧二年太白星名注見晉穆帝升平元年一統志云東山在應天府城東南三十一里一名土山晉謝安舊隱會稽東山築此擬之常放情遊賞與從子玄園棋至夜始還即此從容注見秦二世三年災背注見陳宣帝太建十一年江州注見晉明帝太寧二年建康郡名注見漢獻帝興平二年金陵

柔然遣使如宋○六月宋以蕭道成為中領軍

道成與袁粲褚淵劉秉更日入直決事號為四貴

宋荊州刺史沈攸之等攻江州克之考異

據凡例當書蕭道成討誅

之沈攸之等攻江州平之

休範之反也沈攸之謂僚佐曰桂陽必聲言我與之同若不顛沛勤王必增朝野之惑乃與徐郢湘雍同討尋陽殺休質實勤王注見漢獻範二子而還帝建安元年

## 魏罷門房之誅

魏詔曰下民兇戾不顧親戚一人為惡殃及闔門朕為民父母深所憇悼自今非謀反大逆外叛罪止其身於是始罷門房之誅魏太上勤於為治賞罰嚴明慎擇牧守進廉退貪諸曹疑事舊多奏決入口傳詔敕或致矯擅至是命事無大小皆據律正名不得為疑奏合則制可違則彈詰盡用墨詔由是事皆精審尤重刑罰大刑多令覆鞠或囚繫積年羣臣頗以為言太上曰滯獄誠非善治不猶愈於倉猝而濫乎夫人幽苦則思善故智者以囹圄為福堂朕特苦之欲其改悔而矜恕爾由是囚繫雖滯而所刑多得其宜

又以赦令長姦故自**集覽**墨詔非口傳之詔覆鞠覆  
廷興以後不復有赦**審也**鞠窮理罪人也以言

鞠之**質實**倉猝急遽貌因圖獄名注  
也見唐代宗大歷十四年

秋七月柔然寇魏敦煌考異

寇當作侵  
或作攻

柔然寇魏敦煌尉多疾擊破之尚書奏敦煌僻遠介  
居二寇之間恐不能自固請徙之涼州羣臣皆以為  
然給事中韓秀曰敦煌雖逼強寇然人習戰聞足以  
自全而能隔閡二虜使不得通今徙就涼州不唯有  
滅國之名且姑臧去敦煌千餘里防邏甚難二虜交  
通騷動涼州則關中不得安枕又士民重遷或招外  
寇為國深患不**集覽**尉多疾尉姓也音紆勿  
可不慮也乃止**正誤**尉多  
疾今按疾字**質實**敦煌郡名注見漢武帝元朔三年  
刊誤當作侯**質實**涼州注見唐中宗景龍二年韓秀

昌黎人姑臧縣名注見漢光武建武十  
年閏中注見唐玄宗開元十一年京兆

九月宋以袁粲為中書監領司徒褚淵為尚書令劉秉

為丹陽尹

粲固辭求反居墓所不許淵以褚澄為吳郡司徒長  
史蕭惠明言於朝曰褚澄開門納賊更為股肱大部  
王蘊力戰幾死棄而不收賞罰如此何實實褚澄陽  
憂不亂淵甚慙乃以蘊為湘州刺史

翟人湘

州注見漢獻帝  
興平元年長沙

書法

去年書粲以母喪去職矣於是復用則其不  
書起復何予粲也粲以母喪去職以國難入

赴於是入固求反墓不許而後受之可謂得進退  
之權矣故不書起復凡書起復議也是故袁粲以

國難不書是年杜暹以金革  
不書唐玄宗開元十二年

# 冬十一月宋主冠

初宋主昱在東宮時喜怒乖節太宗屢牧陳太妃痛  
捶之及即位內畏太后太妃外憚諸大臣未敢縱逸  
自加元服內外稍無以制自以李道兒之子故每微  
行自稱李將軍常着小袴衫營署巷陌無不貫穿或  
夜宿客店或晝卧道傍排突廝養  
與之交易或遭慢辱悅而受之  
人陳氏賜嬖人李道  
兒已復迎還而生昱

## 書法

於是宋主年十有二自加元服益無所憚矣  
綱目書帝冠十有三詳漢惠帝四年莫長於

漢昭帝莫少於宋主昱  
舍是無書帝冠者矣

## 集覽

李道兒之子  
明帝先以宮



魏建安王陸馥卒

諡曰貞

乙卯宋元徽三年魏延興五年

春三月宋以張敬兒都督雍梁二州軍

事

敬兒請為雍州蕭道成以其人位俱輕不許敬兒曰沈攸之在荊州欲何所作不出敬兒以制之恐非公之利也道成乃以敬兒鎮襄陽攸之恐其襲已陰為之備敬兒既至奉事攸之甚至攸之以為誠然敬兒由是得其事迹

集覽

襲已春秋傳例輕曰襲杜預曰掩其不備也

質實

襄陽

郡名注見漢獻帝建安十二年張敬兒冠軍人醜之子

夏六月魏初禁殺牛馬○宋南徐州刺史建平王景素有罪奪官

景素孝友清令服用儉素好學禮士由是有美譽太宗持愛之時太祖諸子俱盡諸孫唯景素為長宋主凶狂失德朝野皆屬心焉揚運長等欲專權勢不利立長君陰欲除之其腹心將佐多勸景素舉兵參軍江淹獨諫之景素不悅人或告之運長等即欲發兵討之袁粲等以為不可景素亦遣世子詣闕自陳乃奪景素征北將軍**集覽**屬心屬之欲反傾繫江淹開府儀同三司也顏師古曰屬注也**寶實**淹

考城人康之子南徐州注見文帝元嘉三十年

丙宋元徽四年夏六月魏太后馮氏弑其主弘復稱制  
辰魏承明元年

初魏尚書李敷李訢少相親善後訢為相州刺史受  
賂為人所告敷掩蔽之魏太上聞之檻車徵訢案驗  
當死時敷弟奕得幸於馮太后太上意已踈之有司  
以中旨諷訢告敷兄弟陰事可以得免訢謂其壻裴  
攸曰吾與敷族世雖遠恩踰同生情所不忍且吾安  
能知其陰事將若之何攸曰何為為人死也有馮闡  
者先為敷所敗今詢其弟敷陰事可得也訢從之令  
范擿列敷事三十餘條有司以聞太上怒遂誅敷奕  
訢得減死論未幾復為尚書馮太后由此怒太上至  
是密行鴆毒大赦改元復臨朝稱制以馮熙為太師  
中書監熙以外戚固辭乃除洛州刺史顯祖祔廟執  
事之官故事皆賜爵秘書令程駿言建侯裂地帝王  
所重或以親賢或因功伐皇家故事蓋一時之恩豈  
可為長世之法乎太后從之謂羣臣曰凡議事當依  
古典正言豈得但修故事而已太后性聰察知書計  
曉政事被服儉素膳羞減於故事什七八而猜忍多

權數魏主宏性至孝能承顏順志事無大小皆仰成  
焉太后所幸宦者王琚符承祖等皆依勢用事官至  
僕射爵為王公賞賜巨萬太后令王儉得幸於太后  
超遷尚書秘書令李冲雖以才進亦由私寵入外禮  
人望東陽王丕游明根等每褒賞儉輩輒以丕等參  
之自以失行畏人議已屏下語言小涉疑忌輒殺之  
寵臣小過皆捶或至**集覽**闡名也音匹渺反祔廟注  
百餘尋復待之如初膳羞庖人和味必嘉善為膳致滋味為羞禮天官膳  
夫掌王之食飲膳羞注食飯也飲酒漿也膳牲肉也  
羞有滋味者凡養**質實**李敦趙郡平棘人順之子洛  
生之具大畧有四**質實**川注見秦莊襄王元年三川  
程駿曲周人權數  
謂權謀術數也

# 書法

太后也書試何君一而已自非大無道雖太  
后不免書試所以明無二上之義也終綱目

書婦人行弒者六晉皇后賈氏張貴人魏太后馮氏太后胡氏再弒唐皇后果氏太后臨朝稱書復者三昇平魏馮氏梁乙巳年魏胡氏唐嗣聖三年武氏

發明

馮后母也亦書弒可乎人君居九五之尊為社稷人神之主宗廟大統所繫太后雖母然

潛行鴆毒則是絕滅正統得罪於祖宗社稷使魏國有人推求大行致疾之由告諸宗廟絕而廢之然後正其弒逆之罪肆諸市朝夫如是則天地神人之憤始紓而宗廟社稷之靈始安於其位矣昔魯哀姜預弒二君聖人皆以弒劍書之若其去而不返所以深加貶絕夫豈以母故末減其罪哉唐武氏廢其所出之子君子猶欲數其罪於太廟賜之死而減其家况君非已子而又親行鴆毒者乎以弒書之夫豈過哉

宋加蕭道成左僕射劉秉中書令○秋七月宋建平王景素起兵京口不克而死

揚運長阮佃夫等忌建平王景素益甚景素乃與參軍殷瀾等謀為自全之計遣人往來建康要結才力之士將軍黃回等皆與通謀至是羽林監垣祗祖帥數百人自建康奔京口云京師已亂勸令速入景素信之即據京口起兵揚阮遣將軍任農夫及黃回等將水軍以討之蕭道成知回有異志又命將軍李安民等與之偕回不得發遂拔京口擒景素斬之黨與皆伏誅

**質實**

羽林注見漢武帝元封二年京

口郡名注見晉孝武帝太元十五年京師注見周顯王二十五年

**書法**

景素往年謀反書有罪矣此其書起兵何罪豈也於是豈立踰三年矣昏狂益甚唯楊阮

是從景素心存社稷則其起兵亦不得已耳故一  
景素也前書有罪今書起兵則以昱之不能改決  
矣綱目不輕絕人於惡三年無改然後絕之忠厚  
之心也是故書有罪所以示為人臣者之義書起  
兵所以示為人主者之戒

丁宋順帝準昇明元年

考異

按宋蕭道成七月弒宋主昱  
立安成王準此當分注宋元

歲五年順帝  
準昇明元年

春正月魏畧陽氏作亂二月討平之考異

討當  
作擊

○三月魏以東陽王丕為司徒質實

東陽縣名注  
見營陽王景

年平元

○秋七月宋中領軍蕭道成弒其主昱而立安成

王準自為司空錄尚書事

宋主昱之資稟  
未必絕異於人  
其所以遂欲敗  
度無所不至者  
必由於生長深  
宮未聞訓練故  
日流於縱恣可  
見諭教之方所  
闕最重不當以  
具文視之

鉅野四庫全書

卷二十七

宋主昱自京口既平驕恣尤甚無日不出從者並執  
鉞矛逢無免者民間擾懼行人殆絕鉞推鑿銘不離  
左右一日不殺則慘然不樂殿省憂惶食息不保阮  
佃夫等謀因其出軌而廢之事覺被殺太后數訓戒  
昱昱欲酖之未果嘗直入領軍府道成畫卧裸袒昱  
令起立畫腹為的引滿將射之道成歛板曰老臣無  
罪乃更以髀箭射中其臍投弓大笑道成憂懼密與  
袁粲褚淵謀廢立粲曰主上幼年微過易改伊霍之  
事非季世所行縱使功成亦終無全地淵默然功曹  
紀僧真言於道成曰今朝廷猖狂人不自保天下之  
望不在袁褚明公豈得坐受夷滅道成然之或勸道  
成奔廣陵起兵青冀判史劉善明曰宋氏將亡愚智  
共知公神武高世唯當靜以待之因機奮發功業自  
定不可遽去根本自貽猖蹶道成乃止越郡校尉王  
敬則潛自結於道成道成命敬則陰結昱左右楊玉  
夫楊萬年陳奉伯等使伺機便至是昱乘露車與左



右於臺岡賭跳仍往青園尼寺晚至新安寺偷狗飲酒醉還玉夫萬年刎其首奉伯袖之稱軟問門出與敬則敬則馳詣領軍府道成戎服乘馬而出敬則等從入宮殿中間豈已死咸稱萬歲道成以太后令召諸大臣入議道成謂劉秉曰此使君家事何以斷之秉未答道成鬚髯盡張目光如電秉曰尚書衆事可以見付軍旅處分一委領軍道成讓袁粲粲不敢當王敬則拔刃跳躍曰天下事皆應闕蕭公敢有闕一言者血染敬則刃仍手取白紗帽加道成首令即位曰事須及熱道成正色呵之褚淵曰非蕭公無以了此道成乃下議迎立安成王秉出逢從弟韞問曰事當歸兄邪曰已讓領軍矣韞拊膺曰兄肉中詎有血邪今年族矣遂以太后令數畧罪惡追廢為蒼梧王儀衛至東府門安成王令門者勿開以待袁司徒粲至乃入即位時年十一以道成為司空錄尚書事驃騎大將軍出鎮東府劉秉為尚書令袁粲鎮石頭秉

始謂尚書萬機本以宗室居之則天下無變既而道  
成兼總軍國布置心膂與奪自專褚淵素相憑附東  
榮閣手印成矣榮性冲靜每有朝命常固辭不得已  
乃就職至是知蕭道成有不臣之志陰欲圖之即日  
受命集覽

也牙建於兵車長二丈方言吳楚間謂矛曰

鉞髀箭髀平剥反骨鉞箭不能傷人伊霍伊尹霍光  
也殷太甲既立不明伊尹放之桐宮後太甲悔過入  
從而立之漢霍光立昌邑王賀賀行淫亂遂廢之而  
立宣帝獨履失脚貌史炤曰獨狂顛蹶也露車車上  
無覆質實伊霍之事詳見梁武帝太清三年廣陵郡  
蓋者質實名注見漢武帝元朔五年淮南青冀二川  
名注見秦二世二年郢越郡未詳處所疑即越州注  
見漢和帝永元元年會稽臺岡未詳處所或謂臺城  
注見大帝元嘉三十年軍旅注見梁武帝中大通二  
年安成縣名注見明帝泰始三年蒼梧郡名注見漢

武帝元鼎五年驃騎將軍  
注見晉安帝元興元年

發明

宋昱罪浮于桀羣小伺間因而斃之乃歸獄道成何耶大臣當國幼主昏狂竭股肱之力

効忠貞之節必不可輔則繼之以死爾若養成其惡從而殞之又因以為利則志在篡奪而已捨此將誰咎哉或者謂宋昱之惡與子業等何為彼以國書誅不知子業凶狂權出諸已諸王久在幽繫朝廷莫適為主非有用事大臣足任其責也于時相東繼統亦得於脫死之餘偶然之故非有異志如道成之比是以無所歸獄况楊王夫密奉道成指授又與賈充倡謀成濟抽刀者不同司馬昭猶不能免道成何詞乎昔趙盾以亡不越境反不討賊之故躬受大惡之名今道成於玉夫輩不惟不能討又從而爵賞之罪益明矣若以髡箭之事謂道成亦迫於畏死則鉏麋之賊族犬之難春秋何

不以其而起盾乎此綱目於宋昱子崇之弒所以各異其書者固非厚於湘東而薄於道成亦各原其實而已爾  
觀者試思之

魏詔工商賤族有役者止本部丞○九月魏更定律令

○宋封楊玉夫等二十五人爵有差

書法

王夫何行弒者也書封定策功若干人有之矣未有行弒而書封爵者也行弒者而顯封之至二十五人天

理滅矣書悲之也

○冬十月武都王楊文度襲魏仇池陷之考異

隋當作破按征

伐例非正統相攻

質實

仇池縣名注見晉惠帝元康六年

○魏殺其徐

# 州刺史李訢

訢事顯祖為尚書信用范攄訢弟瑛諫曰攄能降人  
以色假人以財輕德義而重勢利聽其言也甘察其  
行也賊不早絕之後悔無及不從訢與尚書趙黑有  
隙發其罪黑坐黜為門士黑恨之寢食為之衰少踰  
年復入領選白馮太后稱訢專恣出為徐州攄知太  
后忌訢乃告訢謀外叛太后徵至問狀引攄證之訢  
曰汝受我恩何忍誣我攄曰攄受公恩何如公於李  
敷公忌之於敷攄何為不思於公訢慨然歎曰吾不  
用瑛言悔之何及黑復於中構

## 集覽

何如公於李敷  
李訢之於李敷

事在  
去年  
實實  
徐州注見秦始皇  
二十八年彭城

## 書法

訢證人以自免小人也其書殺何殺之不以  
其罪也李敷之死太后嘗以此弑其君矣於

是又殺訢焉以為太  
后之惡也故特書殺

# 十一月魏懷州亂討平之

魏懷州民伊祁苟作亂馮熙討滅之太后欲屠其城  
張白澤諫曰凶渠逆黨盡已梟夷城中豈無忠良仁  
信之士柰何不問白  
實實一統志云懷州古覃懷之  
黑一切誅之乃止  
地商為畿內地周初為三

監及邙鄘衛地後屬晉戰國時又為魏衛鄭三國地  
秦為三川河南二郡之北境漢初為殷國尋改河南  
郡晉為河內汲二郡地後魏置懷州兼置河內郡隋  
初郡罷州存大業初廢州復置河內郡唐初置懷州  
治野王城天寶初改為河內郡乾元初復為懷州屬  
河北道宋屬河北西路金改為南懷州又置沁南軍  
元初復為懷州改懷孟路延祐中又改  
懷慶路至本朝改為懷慶府隸河南道

# 宋荆襄都督沈攸之舉兵江陵討蕭道成

初沈攸之與蕭道成同直殿省相善至是以道成名位素出已下一旦專制朝權心不平謂元琰曰吾寧為王陵死不為賈充生然亦未暇舉兵張敬兒與攸之司馬劉攘兵善疑攸之將起事密問攘兵攘兵寄敬兒馬銕一隻敬兒乃為之備攸之有素書十數行常輜在衲襠角云是明帝與已約誓將舉兵其妾崔氏諫曰官年已老那不為百口計攸之指衲襠角示之於是勒兵移檄遣使邀張敬兒及諸州鎮同舉兵敬兒斬其使他鎮亦懷兩端攸之遺道成書以為少帝昏狂宜與諸公密議共白太后下令廢之柰何交結左右親行弑逆移易朝舊布置親黨宮閤管籥悉闕家人吾不知子孟孔明遺訓固如此乎足下既有賊宋之心吾寧敢捐包胥之節朝廷凶懼初道成以世子贖行郢州事修治器械以備攸之及徵贖為左

衛將軍贖乃薦司馬柳世隆自代謂曰攸之一旦為  
變焚夏口舟艦沿流而東不可制也若得攸之留攻  
郢城必未能猝拔君為其內我為其外破之必矣及  
攸之起兵贖行至尋陽衆欲倍道趨建康贖曰尋陽  
地居中流密邇畿甸留屯湓口內藩朝廷外援夏口  
保據形勝控制西南今日會此天所置也或以城小  
難固左中郎將周山圖曰今據中流為四方勢援不  
可以小事難之苟衆心齊一江山皆城隍也贖乃奉  
晉熙王變鎮湓口道成

集覽

寧為王陵死漢高后欲  
立諸呂為王以問陵陵

聞之喜曰真我子也

曰高帝刑白馬而盟曰非劉氏而王者天下共擊之  
於是高后奪之相權陵遂謝病十年而薨不為賈充  
生三國魏司馬昭專權魏主高貴鄉公率宿衛誅之  
賈充入與魏主戰令成濟弑之馬鑠鑠丁鄧反馬鞍  
具也十數行顏師古曰十行詔書也衲襦音兩當衣  
名也博雅云衲襦謂之衲腹史炤通鑑釋文曰其一



當背其一當胃故名襦褓子孟孔明霍光字子孟漢武帝病篤遺詔光輔少生是為昭帝後昭帝崩立昌邑王既即位行淫亂遂廢之而立宣帝諸葛亮字孔明漢先主病篤召諸葛孔明屬以後事孔明曰臣竭股肱之力效忠貞之節繼之以死後主襲位孔明輔之包胥之節注見晉明帝太寧二年申胥寧為王陵死事在漢高后元年不為賈充生事在漢後主景耀三年徵注見楚義帝元年包胥之節按申包胥楚人仕為大夫與伍員相友善平王殺員父奢兄尚員曰我必覆楚包胥曰我必存之及吳師伐楚入郢包胥乃入秦乞師救楚依庭牆而哭日夜不絕勺水不入口七日秦伯哀之乃出師至楚遂敗吳師楚王賞功逃之不受抑世隆褒陽人潁口注見晉安帝元興三年夏口注見漢獻帝建安十三年又武昌府城西黃鵠山下有夏口城乃吳主孫權所築對岸則入沔津故城以夏口為名至劉宋順帝時柳世隆

等守之沈攸之攻之不克梁末陳初周將史寧為上山長梯攻之不能破黃巢之亂止陷其外郭蓋其城依山負險周迴不過二三里乃知古人築城欲堅不欲廣也郢城在武昌府黃鵠山劉宋郢州治此梁武帝自襄陽起兵逼郢城見數百毛人踰堞且泣投黃鵠磯明旦城降子孟孔明子孟事在漢武帝後元元年及昭帝元平元年孔明事在漢昭烈帝章武二年

宋中書監袁粲尚書令劉秉謀誅蕭道成不克而死

湘州刺史王蘊與沈攸之深相結與袁粲劉秉密謀誅道成將帥黃回卜伯興等皆與通謀道成初聞攸之事起往詣袁粲辭不見通直郎袁達謂粲不宜示異同粲曰彼若以主幼時艱與桂陽時不異劫我入臺何辭拒之一朝同止欲異得乎道成乃召褚淵與之連席每事共之時劉韞為領軍將軍直入門下省

卜伯興為直閣黃回等諸將皆出屯新亭初褚淵遭  
憂去職朝廷敦迫不起朶往譬說淵乃從及朶遭憂  
淵譬說懇至朶遂不起淵由是恨之至是淵謂道成  
曰西夏事必無成公當先備其內耳朶謀既定將以  
告淵衆謂不可朶曰淵與彼雖善豈容大作同異乃  
以謀告淵淵即以告道成道成遣軍主蘇烈薛淵等  
助朶守石頭淵曰不審公能保袁公共為一家否道  
成曰所以遣卿正為能盡臨事之宜使我無西顧之  
憂耳但努力無多言又以王敬則為直閣與伯興共  
總禁兵朶謀矯太后令使韞伯興帥宿衛兵攻道成  
於朝堂回等帥所領為應劉秉等並赴石頭本期夜  
發秉惟擾不知所為哺後即束裝盡室犇石頭朶驚  
曰何事速來今敗矣道成聞之使王敬則救韞及伯  
興蘇烈等據倉城拒朶王韞聞秉走歎曰事不成矣  
道成遣戴僧靜助烈等攻朶秉踰城走朶下城謂其  
子最曰本知一木不能止大廈之崩但以名義至此

僧靜踰城獨進最以身衛聚僧靜直前斫之聚謂最曰我不失忠臣汝不失孝子遂父子俱死百姓哀之為之謠曰可憐石頭城寧為袁聚死不作褚淵生秉父子亦為追者所殺黃回遂不敢發聚簡淡平素無經世材好飲酒善吟諷身居劇任不肯當事主事每往諮決或高詠對之閑居高卧門無雜賓物情不接故及於敗裴子野曰袁景倩民望國華受付託之重智不足以除姦權不足以處變蕭條散落危而不扶及九鼎既輕三才將換區區斗城之裏出萬集覽死而不辭蓋蹈匹夫之節而無棟梁之具矣

集覽

陽時不異宋主昱元徽二年江州刺史桂陽王休範舉兵攻建康一朝同句絕朝謂朝廷也敦迫敦勸迫逼也

正誤

一朝同止欲異得乎今按一朝同當連下文止字為句朝如字同止猶言同處袁聚言一

旦與道成同處行事後雖質實

景倩袁聚表字九鼎注見周慎靚王五年

三才張九韶曰浮而在上者謂之天凝而在下者謂之地命於其兩間者謂之人是謂之三才也

發明

沈攸之衆潰無成袁粲謀泄不克是皆不足任討賊之責然綱目書舉兵書討書謀誅書

不克而死皆予之之詞者幸其僅能舉義不以成敗之故而畧之也

## 沈攸之攻郢城不克

攸之至夏口自恃兵彊有驕色主簿宗儼之勸攸之攻郢城功曹臧寅以郢城地險非旬日可拔若不時舉挫銳損威今順流長驅計日可捷既顧根本則郢城豈能自固攸之欲留偏師守郢城自將大衆東下抑世隆遣人挑戰肆罵穢辱之攸之怒實實主簿官政計攻城世隆隨宜拒應攸之不能克

宋文帝元嘉九年挑

戰注見漢王邦四年

# 宋以楊運長為宣城太守

楊運長出守宣城於是太宗嬖臣無在禁省者矣沈約曰夫人君南面九重與絕陪奉朝夕義隔卿士階閭之任宜有司存既而恩以狎生信由恩固無可憚之姿有易親之色孝建泰始主威獨運而刑政糾難理難通通耳目所寄事歸近習及覲歡愠候慘舒動中主情舉無謬旨人主謂其身卑位薄權不得重曾不知鼠憑社貴狐藉虎威外無逼主之嫌內有專用之效勢傾天下未之或悟及太宗晚運慮經盛衰權倖之徒惛憚宗戚欲使幼主孤立永竊國權構造同異興樹禍隙帝弟宗王相繼屠戮實作風傾實由於此矣

**集覽** 孝建泰始孝建孝武帝年號泰始明帝年號矣鼠憑社貴西漢中山靖王傳臣聞社鼯不灌屋鼠不燠何則所托者然也注鼯小鼠也以喻左右近習依憑天子之尊而人不敢攻也此亦投鼠忌器

之說狐藉虎威楚宣王問羣臣曰吾聞北方之民畏  
昭奚恤何如江乙對曰虎求百獸而食之得狐狐曰  
子無嗾我天帝令我長百獸子若食我是逆天命子  
以我為不信我為子先子隨我後觀百獸見我能無  
走乎虎以為然隨狐而行百獸見皆走虎不知獸之  
畏已反以為畏狐也今王地方五千里帶甲百萬而  
任之於昭奚恤然北方非畏昭奚恤實  
實實畏王之甲兵也見春秋後語  
質實  
高祖武德九  
年

魏拔葭蘆斬楊文度以其弟文弘為武都王質實

葭蘆  
城名

注見文帝元  
嘉二十年

○宋蕭道成假黃鉞出頓新亭

道成謂參軍江淹曰天下紛紛君謂何如淹曰成敗  
在德不在衆寡公雄武有奇畧寬容而仁恕賢能畢

力民望所歸奉天子以伐叛逆五勝也彼志銳而器小有威而無思士卒解體搢紳不懷懸兵數千里而無同惡相濟五敗也雖豺狼十萬終為我獲必矣行南徐州事劉善明言於道成曰攸之包藏禍心於今十年性既險躁才非持重而起事累旬遲回不進一則暗於兵機二則人情離怨三則有掣肘之患四則天奪其魄本慮其剽勇輕速掩襲未備決於一戰今六師齊奮諸侯同舉此籠中之鳥耳

**集覽**

解體

注見漢桓帝延熹二年掣紳注見漢武帝元朔元年遲回注見漢靈帝建寧元年掣肘之患注見唐德宗興元元年天奪其魄左傳宣十五年原叔必有大咎天奪之魄矣注云心之精爽是謂覓覓言其不敬是乃天奪其質實黃鉞注見漢後

主建興六年

精爽也

戊宋昇明二年  
午魏太和二年  
**春正月宋沈攸之軍潰走死蕭道成自**



# 為太尉都督十六州諸軍事

攸之盡銳攻郢城柳世隆乘間屢破之攸之素失人情但劫以威力及城久不拔逃者稍多攸之日夕乘馬歷營撫慰而去者不息攸之大怒令軍中曰軍有叛者軍主任其罪於是咸有異計劉懷兵射書入城請降世隆納之懷兵燒營而去攸之軍遂大散諸將皆走臧寅曰幸其成而棄其敗吾不忍為也乃投水死散軍更相聚結可二萬人隨攸之還江陵張敬兒既斬攸之使者即勒兵傾攸之下遂襲江陵誅其子孫攸之將至聞敬兒已據城士卒皆散乃縊而死初荊州參軍邊榮為府錄事所辱攸之為榮鞭殺錄事及敬兒將至榮為留府司馬或說之降榮曰受沈公厚恩如此一朝緩急便易本心吾不能也城潰軍士執以見敬兒敬兒曰邊公何不早來榮曰沈公見留守城不忍委去本不祈主何須見問敬兒曰死何難

得命斬之榮惟笑而去榮客程邕之抱榮曰與邊公周遊不忍見其死乞先見殺兵人以告歌兒曰求死甚易何為不許乃先殺邕之而後及榮軍人莫不垂涎蕭道成還鎮東府以其子贖為江州刺史火竊為中領軍加道成太尉都督南徐等十六州諸軍事褚淵為中書監司空吏部郎王儉神彩淵曠好學博聞少有宰相之志道成以為長質實江陵縣名注見漢獻史待遇隆密事皆委之帝建安十三年王儉臨沂人僧綽之子

夏四月宋蕭道成殺南兖州刺史黃回

回不樂在郢州固求南兖遂帥部曲趣還因改授之蕭道成以回終為禍亂召入東府殺之以蕭映行南

兖州質實東府注見晉安帝元興元年

五月魏禁宗戚士族與非類昏偶以違制論○秋八月

### 宋禁公私奢侈

蕭道成以大明以來公私奢侈奏罷御府省二尚  
方彫飾器玩入奏禁民間華偽雜物凡十七條質

實大明孝武帝年號

宋以蕭賾為領軍將軍蕭嶷為江州刺史質實

江州注見漢武

帝元鼎五年

○九月朔日食○宋蕭道成自為太傅揚州牧

### 加殊禮

蕭道成欲傾宋室夜召長史謝朓屏人與語久之朓  
無言道成慮朓難提燭小兒取燭遣出朓入無言道

成乃呼左右肱莊之子也王儉知其旨他日請問言  
於道成曰功高不賞古今非一以公今日位地欲終  
北面可乎道成正色裁之而神彩內和儉因曰儉蒙  
公殊遇所以吐所難吐何陽拒之深也宋氏失德非  
公豈復寧濟但人情澆薄不能持久公若小復推遷  
則人望去矣豈惟大業永淪七尺亦不可得保道成  
曰卿言不無理儉曰公今名位故是經常宰相宜絕  
禮羣后微示變革然當先令褚公知之少日道成造  
褚淵欸言移晷乃曰我夢得官淵曰今授始爾忍一  
二年間未容便移道成還以告儉儉曰褚未達耳即  
倡議加道成太傅假黃鉞道成謂所親任退曰褚公  
不從奈何退曰彥回惜身保妻子非有奇才異節退  
能制之淵果無違異詔進道成假黃鉞大都督中外  
諸軍事太傅領揚州牧劍履上殿入朝不趨贊拜不  
名集覽

肱軟尾反難提燭小兒難防之意也時唯有  
一小兒秉燭侍傍道成慮肱難小兒之竊聽

故不肯言絕禮羣后羣后諸王公也謂比羣后議禮殊絕出乎其類也舜典班瑞于羣后注羣后即侯牧也彥回褚淵表字

**質實**

揚州注見漢獻帝興平二年金陵謝朓陽夏人萬之玄孫

冬十月宋以蕭映為南兖州刺史蕭晃為豫州刺史質

**實**

南兖州注見文帝元嘉三十年豫州注見齊主實卷永元二年壽陽

○十二月魏太后

殺其青州刺史南郡王李惠

惠李夫人之父也馮太后忌之誣以南叛殺之太后以猜嫌所夷滅者十餘家而惠所厯皆有善政魏人尤冤

**質實**

南郡注見漢獻帝建安十三年

**書法**

殺李訢止書魏此其斥書太后何太后私也訢實小人但殺之不足以其罪耳惠之所厯皆

有善政則賢也而徒以李夫人之  
父忌而殺之其私甚矣故斥書之

發明

前殺李訢亦馮氏也至是又殺李惠  
則其惡亦肆矣故特書太后以惡之

宋定音樂

尚書令王僧虔奏朝廷以宮縣合和鞞拂節數雖會  
慮乖雅體今之清商實由銅爵中庸和雅莫近於斯  
而情變聽移亡者將半民間競造新聲

集覽

以宮縣  
合和鞞

拂縣與懸通縣樂器鐘磬之屬也天子宮縣謂四面  
皆縣如宮之有牆也合音間和去聲聲相應也鞞駢  
連反釋名曰鞞鞞也鞞助鼓節也呂  
氏春秋曰鞞拂今人作鞞鼓之樂也

魏以高允為中書監

高允以老疾告歸鄉里尋復以安車徵至平城拜鎮軍大將軍中書監固辭不許詔乘車入殿朝賀不拜

**質實**

安車注見漢武帝建元元年平城縣名注見漢高帝七年

已宋昇明三年齊太祖高帝蕭道成建元未元年魏太和三年○是歲宋亡齊代

**考異**

提要分注無是

歲宋亡齊代六字

春正月宋以蕭嶷為荊州刺史蕭贍為僕射

○宋以謝朓為侍中

太傅道成以朓有重名欲引參佐命以為左長史嘗與論魏晉故事因曰石苞不早勸晉文死方慟哭方之馮異非知機也朓曰晉文世事魏室必將身終北面借使魏行唐虞故事亦當三讓彌高道成不悅以朓為侍中更以**質實**石苞不早勸晉文死方慟哭方王儉為左長史**質實**之馮異非知機也事在晉武帝

泰始八年及漢  
帝玄更始元年

書法

非聞有事也再書宋以何殊之也殊肅於崑  
贖所以著其非黨也是故殊王龔於梁龔則

再書以漢順帝永和元年殊佃夫於劉秉則再書  
以漢獻帝建安元年殊佃夫於劉秉則再書宋士  
子年殊謝肅於崑贖則再書宋是年殊侯瑱於霸  
先則再書梁丙子年殊仁贍於廷構則再書唐五  
代丁巳年綱目  
正邪之別嚴矣

三月朔日食○宋蕭道成自為相國封齊公加九錫質

實

九錫注見漢平  
帝元始五年

以十郡為齊國官  
爵禮儀並倣天朝



# 齊公道成殺宋臨川王綽

時楊運長為道成所殺。綽義慶之子也。以凌源令潘智與運長善，遣人說之曰：「君先帝舊人，身是宗室，近屬如此形勢，豈得久全？」若招合內外，**質實**。臨川郡名。計多有從者。智以告道成。道成殺之。

帝隆安二年，凌源縣名未詳處所。

## 書法

書宋臨川王何齊伉已甚也。隱若一敵國矣。綱目不繫齊於宋而書曰：齊公某殺宋臨川王某。使若齊人殺宋人云者，所以深著其不臣也。自是齊事書齊，不復繫之宋矣。

# 齊以王儉為僕射

宋司空褚淵引何魯自魏司徒為晉丞相，故事求為齊官，道成不許。以王儉為僕射。時年二十八。**質**

實

何曾自魏司徒為晉丞相  
事在晉武帝泰始七年

發明

是時道成猶為宋氏之臣而綱目不繫之宋  
者著其權勢之盛已非宋氏之所得臣也夫

以曹馬之篡猶避之歷年之久至劉裕代晉亦必  
南征北伐有功而後取今道成代宋直以乘時攘  
竊近在旦夕之間其視曹馬輩益不及矣觀綱目  
之所書驗世道之消長亦徒以發君子之嘆而已  
於道成  
何誅

夏四月齊公道成進爵為王考證

進爵上當  
書自字

增封  
十郡

齊王道成殺宋武陵王贊質實

武陵郡名注見漢光  
武建武二十四年

○

齊王道成稱皇帝廢宋主為汝陰王徙之丹陽以褚淵為司空

宋主下詔禪位于齊而不肯臨軒王敬則勒兵入迎太后懼自帥閹人索得之敬則啟譬令出宋主收淚謂曰欲見殺乎敬則曰出居別宮耳官先取司馬家亦如此宋主泣而彈指曰願後身世世勿復生天王家宮中皆哭宋主又拍敬則手曰必無過慮當餉輔國十萬錢是日百僚陪位侍中謝朓在直當解璽綬陽為不知曰有何公事傳詔云解璽綬授齊王朓曰齊自應有侍中乃引枕卧傳詔懼使朓稱疾朓曰我無疾何所道遂朝服步出乃以王儉為侍中解璽綬禮畢宋主出就東邸光祿大夫王琨在晉世已為郎中至是攀車慟哭曰人以壽為惟老臣以壽為戚既不能先驅螻蟻乃復頻見此事嗚咽不自勝百官雨

泣司空褚淵等奉璽綬詣齊宮勸進淵從弟焯謂淵  
子贇曰不知汝家司空將一家物與一家亦復何謂  
齊王即皇帝位奉宋主為汝陰王築宮丹陽置兵守  
衛以褚淵為司徒賀者滿座焯歎曰彥回少立名行  
何意披猖至此門戶不幸乃復有今日之拜使彥回  
作中書郎而死不當為一名士邪名德不昌乃復有  
期頤之壽淵固辭不拜奉朝請裴顗上表數齊主過  
惡掛冠徑去齊主殺之太子贍請殺謝朓齊主曰殺  
之遂成其名正應容之度外耳久之因事廢於家齊  
主問為政於參軍劉楨對曰政在孝經凡宋氏所以  
亡陛下所以得者皆是也陛下若戒前車之失加以  
寬厚雖危可安循其覆轍雖安必危矣齊主嘆曰儒  
者之言可

集覽

陪位陪侍也爾雅釋言曰陪朝也注  
陪位為朝在直句絕直謂當日侍直

寶萬世也賁音肥褚淵子披猖即披靡猖狂之謂也離騷經  
何桀紂之昌被兮文公集註昌一作猖被一作披並

音匹皮反昌被衣不帶貌言桀紂之亂若披衣不帶者期頤之壽記曲禮百年曰期頤注期猶要也頤養

也。不知衣服食味孝子要

**正誤**

褚淵子賁今按南史賁字蔚先當音祕易

盡孝道而已獄胡官反

曰賁飾也文飾之義又革卦其文蔚也或曰賁弟名

蓁乃挑天詩其葉蓁蓁之蓁則賁當與有蓁其實之

賁通音墳唯地名人姓則

**質實**

璽綬注見漢光武建武三年勅進注見晉

有音肥者與蔚先無義

元帝建武元年丹陽郡名注見漢獻帝興平二年金

陵汝陰縣名注見齊主寶卷永元二年奉朝請注見

漢哀帝元壽元年劉歆

沛郡相人琰六世孫

**書法**

淵自宋為司空矣於是齊主以為司徒不拜不書書齊以為司空何淵宋臣也而心乎齊

既仍舊位則雖謂齊以之可也上書齊王道成稱皇帝下書以淵為司空則淵之為齊佐命可見矣

綱目不書不拜所以誅其求名之私  
書以為司空所以彰其欲蓋之迹

發明

上書齊王稱帝廢主下書以褚淵為司空則是淵為佐命之臣明矣考之綱目曹馬劉宋

更代之際非無翼贊之人然皆不書于冊而此獨書褚淵者彼皆其本國之黨平時相與為篡竊之計但知助桀不顧吠堯者也至褚淵則以前朝顧命大臣躬受託孤之任乃反賣國於人則其罪可勝誅哉昔晉荀息受獻公之託輔奚齊卓子不克而死故春秋書及其大夫以予之今淵輔佐幼君君弒不能死入挈國與人綱目不此之誅尚誰誅耶淵在宋朝固已久居大位蓋自泰始二年書淵為吏部尚書七年書淵為僕射是時宋主流涕付淵後事越明年而宋主殂淵與劉劭袁粲蔡興宗沈攸之並受顧命既而道成弒逆攸之聚皆以討賊不克而死淵乃覩然無耻手持璽綬勸進齊宮

篡事既成躬荷上公之寵鳴玉曳履拜伏於篡君之前使淵稍有人心則宜於此焉變矣綱目持筆起義大書以淵為司空於篡國之下亦不以淵固辭司徒而遂已所以誅亂臣討賊子深加貶絕為千萬世失節事賊賣國求利者之戒也書法如此豈苟然哉故曰綱目修而亂臣賊子懼

齊主以其子竊為揚州刺史質實

揚州注見漢獻帝興平二年金陵

○

齊主令羣臣言事

齊主命羣臣各言得失淮南宣城太守劉善明請除宋氏大明泰始以來苛政以崇簡易交州險遠宋末政苛遂至怨叛今宜懷以恩德且彼土所出唯有珠寶實非聖朝所須之急討伐之事謂宜且停給事黃門郎崔祖思言人不學則不知道此悖逆禍亂所由生也今無員之官空受祿力宜開文武二學令限外

官各從所樂依方習業廢惰者遣還故郡優殊者待以不次又今陛下雖躬履節儉而羣下猶習侈靡宜褒進朝士之約素清脩者貶退其驕奢荒淫者則風俗可移矣宋元嘉之世事皆責成郡縣世祖徵求急速始遣臺使督之自是使者旁午公私勞擾聞喜公子良極陳其弊以為臺有求須但明下詔敕為之期會則人思自竭若有稽違自依糾坐之科今雖臺使盈湊會取正屬所辦徒相疑憤反更淹懈宜悉停之員外散騎劉思效言宋自大明以來徵賦有加而天府尤貧小民殆無生意而貴族富室以侈麗相高乃至山澤之民不敢采食其水草今宜一新王度革正其失齊主皆加褒賞或付有司詳擇所宜奏行之尋詔二宮諸王悉不得**集覽**祿力猶言祿秩也記曲禮營立屯邸封畧山湖有宰食力注宰邑宰也食力謂民之賦稅也聞喜子良之**正誤**祿力今按力猶封邑注見晉孝武帝太元十年陶潛為令送一



力給其子之力謂庶人以力役於官如今之皂隸也  
集覽宋文帝元嘉元年臺官衆力下註力謂僕從也

**質實**

宣城郡名注見漢明帝永平十三年丹陽大明  
泰始大明孝武帝年號泰始明帝年號交州注

見晉武帝太康元年交廣崔祖思東武城人琰七  
世孫元嘉文帝年號旁午注見晉穆帝昇平二年

## 魏罷候官

魏詔候官千數重罪受賕不列輕罪吹毛發舉宜悉  
罷之更置謹直者數百人使防邏街街執喧闐者而  
已自是吏民  
**集覽**街街說文街四道  
**質實**吹毛發舉應  
始安其業  
通道街邑中道  
勁云求索多

端曰吹毛求疵注深求隱  
僻吹開毛縫以求瑕疵

## 齊褚淵王儉等進爵有差

處士何點戲謂人曰我作齊書已竟其贊曰淵既世族儉亦國華不賴舅氏違恤國家點尚之之孫也淵

儉母皆宋公質實處士注見周赧王主故點云然

發明

嗚呼春秋於篡逆之臣必誅絕其黨與所以孤亂賊之黨而絕其依附之心以垂世戒也

褚淵王儉皆以公主子為宋大臣主弱國危不能扶持繼之以死可也顧以世臣之華胄王室之懿親受摧奸一時嫗乳之恩忍將外王父之家國輸之崛起之人平日素所比肩者百拜稽首甘心以為之臣僕曾無愧耻之心嗚呼斯人也曾狗彘之不若哉

五月齊主道成弒汝陰王滅其族

或走馬過汝陰王之門衛士恐有為亂者斬入殺王以疾聞齊主賞之遂殺宋宗室無少長皆死劉澄之

與諸淵善淵為之固請  
故遵考之族獨得免  
**集覽**  
遵考之族劉遵考珉之

孝武帝時為  
豫章刺史  
**正誤**  
遵考之父今按遵

**書法**

宋主裕弒零陵斥書劉齊主道成弒汝陰則

重罪齊也廢興之際魏晉以來書之矣山陽陳留  
未書弒也至宋而零陵書弒焉未書滅其族也至  
齊而書滅其族焉宋罪首也齊則又甚矣終綱目  
書滅先代之族六齊啟之也是年齊滅劉氏巳卯  
年齊滅元氏丁酉年周滅高氏辛丑年隋滅宇  
文氏丙戌年唐滅王行族丙辰年南唐滅楊氏

**發明**

宋明剪除枝葉以安其子自以為社稷至計  
然肉未及寒嗣子殞殆宗族夷滅不善之積

果可掩哉然則道成無貶乎奪人之國而殄其祀  
其惡尚何待於貶絕而後見耶書弒汝陰王滅其

族方之晉宋則愈滅矣篡弑相尋世變日薄可哀也哉○嗚呼為帝為王者皆起自匹夫一旦而居九重之尊享四海之富孰不欲傳之千萬世而無窮哉然而積德不宏貽謀不遠遂因而滅其先世自受姓以來千萬世之宗祀者亦有之矣方漢之衰也魏得之魏之衰也晉得之晉衰而宋待宋衰而齊得漢之山陽魏之陳留猶得終其天年宋於零陵直殺之而已然猶有遺種焉至于齊乃掩汝陰之族類而滅之嗚呼漢得天下以善而人亦報之以善故獻帝雖廢猶得善終晉則弑君矣故其後也人亦弑之然彼猶善待其所禪之人也至於宋則既受其禪又弑其人此其所以得獲滅之報也

齊以垣崇祖為豫州刺史

齊主謂崇祖曰吾新得天下索虜必以納劉昶為質  
辭後犯邊鄙壽陽當虜衝非卿無以制故有是命質

實

壽陽縣名注見齊  
主實卷永元二年

魏葭蘆鎮主楊廣香降齊○齊立世子贍為太子諸子

皆封王考異

提要作齊主  
立其世子

發明

道成篡人之國而赤其族於其諸子則皆封  
之胡不推已之心以及人乎然未幾西昌勦

絕道成之種亦無復子遺者是豈果無天道耶綱  
目於此若無貶詞然上書滅汝陰王之族下書諸  
子皆封王則其殺  
人利己自可觀矣

○秋九月魏隴西王源賀卒質實

隴西郡名注見  
秦王政三年

謚曰  
宣

冬十月齊以王玄邈為梁州刺史

初晉壽民李烏奴與白水氏寇梁州刺史范柏年說  
降之及朝廷遣王玄邈代柏年詔與烏奴俱下烏奴  
勸柏年不受代柏年計未決左衛帥胡諧之嘗就柏  
年求馬不得諧於齊主曰柏年欲據梁州齊主使南  
郡王長懋誘柏年殺之烏奴叛引兵為寇玄邈誘  
擊破之初玄邈為青州刺史齊主在淮陰為宋太宗  
所疑欲北附魏遣書結玄邈玄邈長史房叔安曰將  
軍居方州之重無故舉忠孝而棄之三齊之士寧蹈  
東海而死耳不敢隨將軍也玄邈乃不答書及罷州  
還至淮陰嚴軍直過至建康啟太宗稱道成有異志  
及齊主為驃騎引為司馬玄邈甚懼齊主待  
之如初賞叔安忠正欲用為梁州會病卒

集覽

寧

東海而死戰國趙策齊人魯仲連遊於趙聞魏使新垣衍勸趙尊秦為帝於是連見衍曰彼秦者棄禮義而上首功之國也彼即肆然質實晉壽縣名注見晉為帝則連有赴東海而死耳穆帝升平二年白水氏注見文帝元嘉十九年胡諧之豫章人三齊之士張九韶曰東齊濟北膠東是謂之三齊一說臨菑博陽即墨亦謂之三齊

# 魏遣梁郡王嘉奉丹陽王劉昶以伐齊

魏遣將奉昶伐齊許昶以克質實梁郡未詳處所唯復舊業世昨江南稱藩于魏大同府朔州二十里有梁郡城乃後魏爾朱榮所築未知是否

## 書法

魏師南向未有書伐者此其書伐何惡齊也齊滅劉氏而篡其位昶劉宗也綱目書曰奉

丹陽王劉昶其  
子魏以義舉矣

# 魏使高允議定律令

是歲魏詔中書監高允議定律令允雖篤老志識不衰詔以允家貧養薄令樂部十八五日一詣允以娛其志朝晡給膳朔望致牛酒月給衣服綿絹入見備几杖問以政治

# 契丹入附于魏集覽

契丹北狄種名注見晉安帝義熙二年

契丹莫賀弗勿于帥部落萬質實白狼水注見漢獻  
餘口入附于魏居白狼水東帝建安十二年

# 書法

契丹始見綱目

庚齊建元二年  
申魏太和四年  
春二月魏師攻齊壽陽不克而還



魏梁郡王嘉興劉昶攻壽陽將戰昶四向拜將士流涕縱橫曰願同戮力以雪讐耻魏步騎號二十萬豫州刺史垣崇祖欲治外城堰肥水以自固文武皆曰昔佛狸入寇城中士卒數倍猶以郭大難守退保內城且自有肥水未嘗堰也恐勞而無益崇祖曰若棄外城庸必據之外修樓櫓內築長圍則坐成擒矣守郭築堰是吾不諫之策也乃於城西北堰肥水堰北築小城周為深塹使數千人守之曰虜見城小以為一舉可取必悉力攻之以謀破堰吾縱水衝之皆為流屍矣魏人果攻小城崇祖著白紗帽肩輿上城決堰下水魏人馬溺死

**集覽**

佛狸魏太武帝小字質實齊主寶卷

永元二年

**齊檢定民籍**

宋自孝建以來政綱弛紊簿籍訛謬至是詔黃門郎虞玩之等更加檢定玩之上表以為元嘉中故光祿大夫傅隆年出七十猶手自書籍躬加隱校今欲求治取正必在勤明令長愚謂宜以元嘉二十七年籍為正更立名科一聽首悔迷而不返

**集覽**

隱校隱於依制必戮若有虛昧州縣同科從之

效反說文隱審也按檢括也

**齊置巴州質實**

巴州注見漢獻帝建安十九年巴東

齊以羣蠻數為叛亂分荆益置巴州以鎮之是時齊境有州二十三郡三百九十縣千四百八十五

**齊以蕭鸞為郢州刺史**

西昌侯鸞齊主兄道生之子

**質實**

郢州注見漢後主建興七年武昌西

也早孤齊主養之恩過諸子

昌縣名注見梁武帝天監四年

# 夏五月齊立建康都牆

自晉以來建康外城唯設竹籬而有六門至是改立都牆齊主又以建康居民舛雜多姦盜欲立符伍以相檢括王儉諫曰京師之地四方輻湊若必持符則事煩而理不曠謝安所謂不爾何以為京師也乃止

集覽

符伍符信也出入國門及往來於闕以取信焉伍謂五五相保也

質實

建康郡名注見

漢獻帝興平二年金陵京師注見周顯王二十五年

# 秋齊甬城汝南降魏質實

甬城未詳處所汝南郡名注見漢光武建武十九年

書法

不書叛何齊篡魏道也是故甬城汝南不書叛南陽不書叛綱目之惡齊甚矣

○九月朔日食○柔然遣使如齊質實

柔然北狄國名注見晉孝武帝

太元十二年 ○魏攻朐山齊人擊敗之

魏梁郡王嘉圍朐山戍主玄元度嬰城固守大破魏師臺遣崔靈建等將萬餘人自淮入海夜至各舉兩炬魏師望見遁去 集覽 嬰城高誘曰嬰猶縈也謂還兵以堅守也 質實 朐山縣名注見秦二

世二年朐

冬十月齊以何戢為吏部尚書

齊主以戢資重欲加常侍褚淵曰聖旨每以蟬冕不宜過多臣與儉已左珥若復加戢則八座遂有三貂帖以驍游足矣乃 集覽 蟬冕不宜過多臣與儉已左加戢驍騎將軍珥儉謂王儉也珥音餌庫也

魏徐兖州民作亂遣兵討之

樹於後曰珥胡廣曰趙武靈王改胡服以金璫飾冠  
前搖貂尾為貴職後代效之其冠文細如蟬翼名曰  
魚文漢曰武弁一名大冠諸武官冠之侍中中常侍  
加黃金璫附蟬為文貂尾為飾侍中插左中常侍插  
右其貂用赤黑色者驍游游猶  
流也謂流輩也游或作游誤  
正誤驍游今按沈約  
擊將軍晉以領護  
質實八座注見晉武帝太康四年  
左右驍游為六軍  
三貂注見漢宣帝神爵元年

淮北四州民不樂屬魏常思歸江南齊主多遣間諜  
誘之於是徐兖之民所在蠭起聚保五固推司馬朗

之為主魏遣尉元  
集覽五固質實閭諜注見陳後主  
薛虎子等討之地名  
質實禎明元年陳諜徐

兖二州名徐注見秦始皇二十八年彭城  
兖注見漢獻帝興平二年薛虎子代人

書法

於是淮北四州不樂屬魏思歸江南則反正也以作亂書何惡齊也故魏得書討

# 十一月齊制病囚診治之法

丹陽尹王僧虔上言郡縣獄相承有上湯殺囚名為救疾實行寃暴愚謂因病必先刺郡求職司與醫對診遠縣家人省視集覽刺郡刺猶移質實丹陽郡名然後處治從之文也關也注見漢獻

帝興平二年金陵

書法

漢宣之篇書詔上繫囚掠笞瘐死者矣地節四年於是復書齊制病囚診治之法亦可謂

能慎獄矣綱目雖惡齊小善必錄焉

齊以楊後起為武都王質實

武都郡名注見漢武帝元鼎六年

後起難當  
之孫也

# 十二月齊以褚淵為司徒

淵入朝以腰扇障日征虜功曹劉祥曰作如此舉止羞面見人扇障何益淵曰寒士不遜祥曰不能殺袁劉安得免寒士祥好文章性剛疎撰宋書譏斥禪代王儉以閭徙廣州卒太子宴朝臣右衛率沈文季與淵語相失文季怒曰淵自謂忠臣不知死之

質實

劉

日何面目見宋明帝太子笑曰沈率醉矣  
謂袁粲劉秉也廣州注見秦始皇三十三年南海沈文季武康人慶之子

## 魏封尚書令王叡為中山王考異

提要無尚書令三字  
三年書王叡卒同

叡既進爵置王官二十二人  
皆當時名士又拜叡妻為妃  
質實  
中山郡名注見周威烈王二十三年

辛齊建元三年  
西魏太和五年

# 春正月魏人圍角城齊擊敗之

魏人侵齊淮陽圍軍主成買於角城齊遣將軍李安民周盤龍等救之買力戰而死盤龍子奉叔以二百人陷陳深入魏以萬餘騎張左右翼圍之盤龍馳馬奮稍直突魏陳所向披靡奉叔已出復入求盤龍父子兩騎縈援魏數萬之質實一統志云淮陽郡名晉衆莫敢當者魏師敗退義熙中所置後廢之故城在鳳陽府泗州故徐城東北一百五十里李安民蘭陵人周盤龍同上郡人披靡注見唐肅宗實應元年

## 二月齊敗魏師于淮陽○魏沙門法秀作亂伏誅

法秀以妖術惑衆謀作亂於平城收掩擒之加以籠頭鐵鎖無故自解魏人穿其頸骨祝之曰若果有神



當令穿肉不入遂穿以徇三日而死所連及百餘人皆以反法當族王獻請誅首惡宥其餘黨太后從之  
所免千餘人  
**質實** 沙門僧名注見漢明帝永平八年

### 書法

前書沙門曇標作亂矣於是再見沙門之亂綱目每謹書之所以為好異端者之戒也終

綱目沙門書謀反作亂三詳宋戊戌年

### 發明

是時南北俱尚浮屠而沙門謀反作亂者屢書於冊有國有家者猶欲敬奉其法可乎

## 齊罷南蠻校尉官

晉宋之際荊州刺史多不領南蠻校尉別以重人居之豫章王嶷判荆湘始領之嶷罷更以王奐為之奐辭曰西土戎熸之後疲毀難復今又割撤大府制置偏校不足助實交能相獎且資力既分職司增廣衆

勞務倍文案滋煩煩質實豫章郡名注見漢武帝元鼎五年荆湘二州名荆注見漢

國計非允遂罷之五年獻帝建安十三年南郡湘注同上興平元年長沙

夏五月鄧至羌入貢于魏

鄧至者羌之別種種質實宕昌西羌種名注見宋文帝元嘉元年

魏尚書令王叡卒

叡疾病太后屢至其家及卒贈謚立廟文士作誄者百餘人及墓自稱姻舊線經哭送者千餘人魏主以叡子襲代集覽線經注見梁元帝承聖三年

秋七月朔日食○齊遣使如魏

宋昇明中遣使者殷靈誕荀昭先如魏靈誕聞齊受  
禪謂魏興客曰宋魏通好憂患是同宋今滅亡魏不  
相救何用和親及劉昶南伐靈誕請為司馬不許魏  
宴羣臣置齊使車僧朗於靈誕下僧朗不肯就席靈  
誕遂與忿詈劉昶賂宋降人刺殺僧朗魏人厚送  
其喪并靈誕等南歸昭先白其語靈誕下獄死

質

質

昇明宋順  
帝年號

# 九月魏徐兗州平以薛虎子為徐州刺史

魏尉元薛虎子克五固斬司馬朗之東南皆平以虎  
子為徐州刺史時州鎮戍兵資絹自隨不入公庫虎  
子表言國家欲取江東先須積穀彭城今在鎮之兵  
不減數萬資糧之絹人十二疋用度無準未及代下  
不免饑寒公私損費今徐州良田十餘萬頃水陸肥  
沃清汴通流足以溉灌若以兵絹市牛可得萬頭興

置屯田一歲之中具給官食且耕且守不妨捍邊一  
年之收過於十倍之絹贖時之耕足充數載之食於  
後兵資皆貯公庫五稔之後穀帛俱溢非直戍卒豐  
飽亦有吞敵之勢魏主從之虎子為政有忠愛兵民  
懷之會沛郡下邳太守以臧污為虎子所案告虎子  
與江南通魏主曰虎子必不然推案果虛詔二人皆  
賜質實彭城郡名注見秦始皇二十八年沛郡注見  
死質實漢成帝河平二年下邳郡名注見漢高帝六  
年清汴二水名俱注見  
晉安帝義熙十二年

吐谷渾王拾寅卒子度易侯立考異

卒當考證立當  
作死作嗣 ○

魏新律成

凡八百三十二章門房之誅十有六  
大辟二百三十五雜刑三百七十七  
質實大辟注見  
漢宣帝地

節三年大

辟之計

壬齊建元四年  
戊魏太和六年

春三月齊以張緒為國子祭酒

置學生

二百人

# 齊主道成殂太子贍立

齊主名褚淵王儉受遺詔輔太子而殂太子即位○  
高帝沈深有大量博學能文性清儉主衣中有玉導  
上曰留此正長病源即命擊碎仍檢按有何異物皆  
隨此例每曰使我治天下十年當使黃金與土同價

集覽

主衣中有玉導按漢武帝本紀帝起更衣衛子  
夫侍尚衣軒中得幸注尚主也主衣車中也此

云主衣中或即此處導筭屬以玉為之齊高本紀作  
玉介導按介與介通幘也謂之介導猶言冠簪也一

曰冠導晉時桓玄反兵敗馮遷抽刀前擊玄拔頭上玉導與馮遷求免正長病源本作以長侈奢之源

**書法**

賀善贊曰齊主之初綱目大書拜官不問有功也惟斬休範一事綱目以擊書之亦未嘗

予以義討也齊氏之初既非宋比矣弒立之後一書討蕭道成一書誅蕭道成四書自官書假黃鉞書進爵亦皆自假自進而已其篡位也書歸書廢書徙書弒至書滅其族則又宋人之所未有者是故魏加兵江左未嘗書伐於齊而特書伐焉綱目之意可見矣

齊以褚淵錄尚書事王儉為尚書令王奐為僕射豫章王嶷為太尉○魏罷虎圈

魏主臨虎圈詔曰虎狼猛暴捕質實虎圈注見漢之傷人無益有損其勿捕貢

質實

虎圈注見漢文帝三年

夏六月齊立子長懋為太子考異

提要作齊主立其子

○秋齊南

康公褚淵卒實實

南康郡名注見梁簡文帝大寶元年

淵卒世子賁耻其父失節服除遂不仕以齋讓其弟恭屏居墓下終身

發明

按晁說之曰自開闢以來未有比肩近臣一

旦北面稱翊贊佐命以本朝輸人者有之實自淵始嗚呼迹淵之所以忍耻而就此者任道謂其惜身保妻子淵知惜身保妻子而不知惜理保名節此所以陷為千古之罪人也歟考史淵死時年四十有八齊主受禪至是纔三年爾僅苟三年之生乃遺萬年之臭較其所得失孰為多哉

齊罷國子學

以國喪  
故也

書法

於是設祭酒數月耳尋以國喪罷之書惜之也書國子學始此

# 魏以李崇為荊州刺史

魏以荊州巴氏擾亂以李崇為刺史發兵送之崇辭曰邊人失和本怨刺史今奉詔代之自然安靖但須一詔而已不煩發兵自防使之懷懼也遂輕將數十騎馳至上洛宣詔慰諭民夷帖然崇命邊戍掠得齊人者悉還之由是齊人亦還其生口二境交和無復烽燧之警徙兗州刺史兗土舊多劫盜崇命村置一樓樓皆懸鼓盜發之處亂擊之旁村始聞者以一擊為節次二次三俄頃之間聲布百里皆發人守險由是盜無不獲其質實

荊州注見秦二世二年南陽上洛縣名注見晉元帝太興元年



烽燧漢書注大穎曰邊方備寇作高土櫓櫓上作桔  
輦桔輦頭兜零以薪草置其中常低之有寇即火燃  
舉之以相告曰烽人多積薪冠至即燃之以  
望其烟曰燧顏師古曰晝則燔燧夜則舉烽

**書法**

宋齊以來刺史專方面本兵柄大率皆任其  
子弟而已未有以善政稱也惟魏之李崇是

年高祐丁卯  
年其庶幾焉

# 冬十一月魏主始親祀七廟

魏主將親祀七廟命有司具儀法依古制備  
牲牢器服及樂章自是四時常祀皆親之  
質實七廟

注見宋明帝  
泰始七年

**書法**

書始何前乎  
此未有也

癸齊世祖武帝肅永明  
亥元年魏太和七年

春齊復郡縣官田秩遷代以小

滿為限考異

提要無遷代  
以為四字

詔以邊境寧晏治民之官普復田秩宋末以治民之  
官六年過久乃以三年為斷謂之小滿遷換去來又  
不能依三年之制至是乃  
詔自今一以小滿為限

夏四月齊殺其尚書垣崇祖散騎常侍荀伯玉

齊主之為太子也自以年長興創大業朝事率皆專  
斷所信任左右張景真驕侈僭擬內外莫敢言司空  
諮議荀伯玉素為太祖所親厚密以啟聞太祖怒命  
檢校東宮宣敕詰責使以太子令收景真殺之齊主  
憂懼稱疾月餘太祖怒不解王敬則叩頭啟曰官有  
天下日淺太子無事被責人情恐懼願官往東宮解

之因宣旨裝束太祖不得已至東宮召諸王宴盡醉  
乃還伯玉由是愈見親信而齊主深怨之豫州刺史  
垣崇祖亦不親附太子太祖臨終指伯玉以屬齊主  
至是齊主誣崇祖招結江北荒人欲與伯玉作亂皆  
收殺

**質實**

東宮注見宋文帝  
元嘉二十七年

# 閏月魏子恂生考異

提要作魏主  
之子恂生

魏主後宮林氏生子恂馮太后以  
恂當為太子賜林氏死自撫養之

**書法**

太子生不書此其書何太后忍也魏故事立為  
太子乃殺其母於是林氏生恂太后以其當

為太子也即殺林氏自撫養之亦大忍矣終綱目  
書子生五孫生一詳漢武帝太始三年皆有故者

也恂又兼  
以叛父書

# 五月齊殺其車騎將軍張敬兒

敬兒好信夢初為南陽守妻尚氏夢一手熱為雍州夢一脾熱為開府夢半身熱敬兒意欲無限謂所親曰吾妻復夢舉體熱矣齊主聞而惡之會有人告敬兒貨易蜜中疑有異志會齊主於華林園設齋於坐收敬兒敬兒脫冠貂投地曰此物誤我遂殺之敬兒女為征北諮議謝超宗子婦超宗謂丹陽尹李安民曰往年殺韓信今年殺彭越尹欲質實南陽郡名注何計安民具啟之收付廷尉賜死質實見秦二世二年雍州注見漢獻帝建安十二年襄陽華林園注見宋文帝元嘉元年謝超宗上虞人靈運之孫往年殺韓信今年殺彭越事在漢高帝十一年

## 書法

於是賜超宗死則何以不書超宗言語扇動其罪大張敬兒貨易蜜中疑有異志則罪未

白也而遽殺之特書其官爵所以甚齊也

# 秋七月齊以王僧虔為特進光祿大夫

初齊主以侍中王僧虔為光祿大夫開府儀同三司僧虔固辭開府謂兄子儉曰汝行登三事我若受此是一門二台司也吾實懼焉累年不拜至是許之加特進儉作長梁齋制度小過僧虔不悅竟不入戶儉即日毀之初王弘與兄弟集會任子孫戲適僧達跳下地作虎子僧綽正坐采蠟燭珠為鳳皇僧達奪取打壞亦復不惜僧虔累十二博碁既不墜落亦不重作弘歎曰僧達俊爽當不減人然恐終危吾家僧綽當以名義見美僧虔必為長集覽行登三事三公主者位至公台已而皆如其言集覽天地人之事故曰三事行登謂行將登此位也後漢志太尉公主天司徒公主人司空公主地杜佑通典曰或說司馬主天

司徒主人司空主土是為三  
公南齊時三公唯有太傅  
質實  
王僧虔琅邪臨沂人弘之從子

### 冬十月熒惑逆行入太微

齊有司請禳之齊主曰應天以實不以文我  
克已求治思隆惠政灾若在我禳之奚益  
質實  
熒惑

逆行入太微熒惑注見漢成帝綏和  
二年太微注見漢靈帝光和二年

### 齊遣將軍劉縝如魏

縝屢至魏馮太  
后遂私幸之

### 十二月朔日食○魏始禁同姓為昏

發明

夷狄於夫婦一倫瀆亂尤甚在其域中無足  
恠者既入中國之地雜中國之人習中國之

俗猶不知所慕效則是無秉彛之性羞惡之心不可以人理待之矣元魏人居華夏事事慕中國聖人之教至是人有同姓為昏之禁其視蒙古之子承父妾兄收弟婦至於國終而不知變也異矣此綱目所以特書而予之

# ○魏秦州刺史于洛侯有罪伏誅

洛侯性殘酷刑人或斷腕拔舌分懸四體州民皆反有司劾之魏主遣使至州宣告吏民然後斬之濟州刺史韓麒麟為政尚寬從事劉普慶說曰公杖節方夏而無所誅斬何以示威麒麟曰刑罰所以止惡仁者不得已而用之今民不犯法又何誅乎若必斷斬然後可以立威當以卿應之普慶慙懼而退質

實

秦州注見周赧王十二年蒲坂  
濟州注見漢景帝三年濟南

御批資治通鑑綱目卷二十七